

654

655

656

657

658

659

660

82

F-26

1911



ՅՈՎՀԱՆ ՀԱՅԿԱԶ

# ՎԵՐԱԾՆՈՒՆԴԻ ԵՐԳԵՐ



ԲՆՈՒԹԵԱՆ ՍԷՋ  
ՍԷՐ ԵՒ ԿԵԱՆՔ  
ՑԵՂԻՍ ՇԵՏ



ՏՊԱԳՐՈՒԹԻՒՆ  
ՆՇԱՆ-ՊԱՊԻԿՆԱՆ  
Կ ՊՈԼԻՍ

1911

ՅՈՎՀԱՆ ՀԱՅԿԱԶ

891.99-1

# ՎԵՐԱԾՆՈՒՆԴԻ ԵՐԳԵՐ



ԲՆՈՒԹԵԱՆ ՍԷՁ

ՍԷՐ ԵՒ ԿԵԱՆՔ

ՅԵՂԻՍ ՇԵՏ



Ա. ԳՈԼԻՍ

Տպագր. ՆՇԱՆ-ՊԱՊԻԿԵԱՆ

1911

126

Structure "M...  
Structure...  
Article...

Structure  
Z...  
}

Appearance

2814-5  
8

4 4 4 4 4 0 5 6 0 2 1

9447087243 4198270

Ձեմ յիշեր կեանքիս մէջ որ մը որ  
աղօթած չըլլամ:

ԳՐԻԳՈՐ ՕՏԵԱՆ

## ՅԱՌԱՋԱԲԱՆԻ ՏԵՂ

---

Հանդիմով կ'ընդունիմ իբր բանաստեղծութեան սիրող մը՝ բանայ իմ առաջաբանով «Վերածնունդի Երգեր» ուղևախընձայ գողտրիկ հասորիկը: Պարծանքով կը ներկայացնեմ զայն գրչի սիրահարներուն իբր ուսուցիչ՝ երբ բանաստեղծի սխման փորձերդ իմ փայփայող շունչիս սակ իրենց խրախոյսն ու ներշնչումը սսացան զեք աստիճանով մը:

Եւ զնահասանքով կը կարդամ՝ ունկնդրեալ երգերուդ զգայուն ու ներդաշնակ քրթուցումներուն:

Մանաւանդ ջերմ համակրանքս կը յայնեմ փերքուածներուդ մեջ սիրող Հաւասքի ու Աննահոռութեան անկեղծ պաշտամունքի զգացումներուդ, որ օծումն է առողջ ու շինիչ եւ կենդանաւոր գրականութեան մը:

\* \* \*

Կրօնական բանաստեղծութեան հասոր մը չէ ան, սակայն բանաստեղծութիւնը հոն իր Քրիստոնեական սարագովն ու դաւանանքովը ներկայացած է, ինչ որ կը պակսի ներկայ գրողներուն արուեստի ու խորհուրդի ամենեկն բարձր արժայատրութիւններուն մեջ իսկ: Կ'ընդունիմ թէ աստեղ կրօնական ստեղծ անկախ՝ փնտրեղական, ինասաստիրական,

հայրենաշունչ եւ ազգասիրական ներշնչումներու սակ կազմուած երգեր եւ, եւ սակայն Հաւասացեալ գրող մը կրօնփոխութիւնը անհեղինակ սարաւերժ նկարագրելու մէջ իսկ կը դնէ իր հանդուրձիմն ու հաւաստի շէշն ու դրոշմը:

Ծիծաղելի ըլլալէ աւելի արգահասելի երեւոյթ մըն է որ իբր նորոյ՝ սարախոյսի պիտի մը պէս վարակել սկսած է մեր կարգ մը նորաստեղծ գրողներու մէկ նոր դասակարգը. — Արարչական ստորագրելիները բնութեան վերաբերել, եւ տարածական նկարագրել «Աստուած» աստիճանը փերթուրձներու մէջ կիրարկելը, իբր թէ «Աստուած, Փրկիչ, Հոգի, Անսահման» բառերը եկեղեցիներու մէջ փակուածներու, պատկերներու սակ ըլլալ գործածել. . . եւ կամ շատ շատ նարեկով ու շարականներով գրաւոր գրիչներու համար:

Այս զգացումը այնքան խորամտեայ թոյն դրած է մեր գրողներու մէկ որոշ կարգին մէջ որ այս մասին անձնական փորձառութիւն մէջ բերելու փորձութեան չեմ կրնար դիմարտել: Յարգելի հեղինակներէն մեկը խնդրակէտ կ'ընէր սարեցոյցի մէջ դրուելու համար իմ նախապիտիւն մէկ նկարագրելու մը որ կ'ընէր: Արձակի մը հետ կրօնաշունչ բանաստեղծութիւն մըն ալ ներկայացուցի հասցուցի իր տեղը: Արձակը ընդունուած էր, սակայն ոտանաւորը մեկ կողմ դրուած էր իր կրօնական ընդունուած փոխարինման մեղքին համար, եւ թէ իրաւանք անոր արժեքը չփարկաբեկելու համար այնպիսի անբարոյ, շրճուկ գրական արհեստագործութիւններու քով դրուելովը: Տարեցոյց մը անհետ քակի վրայ խօսող, անհետ հասակի, սեռի ու ճաշակի համար, ինչո՞ւ չունենար իր Կրօնփոխութեան ու սուրբ տեղը. բայց խնդիր

էր իրաւանք թէ՛ մնացած էր սուրբ տեղ մը ուր անպատեհ աստուածային մտք գործած ըլլալին տեղ ու գոհնիկ պատկերները անասնական կիրարկելու ու բարեւոր գուցարեղով:

Գաղտնի գրիչը՝ փնտրութեան մը չէ որ պիտի ընտել, փակի որ գործը արդէն սխալակի սուսցիկ դողող փորձերուն հետ է. ան ոչ թէ անողով, պահանջիտ խիստ նայածներու այլ խրատաւիջ. ներող սխալակներու եւ փոքրերներու պէտք ունի: Միայն փակի մը գոհար տղերու հանձնարարութիւնը յայտնութիւնը կ'ընտել արագաց ընտել բանաստեղծի մը:

«Բարոյ»-ին մէջ ինչ գողտիկ բացատրութիւններ կան.

«Վաստեայն, վախի մոլորակներու նայածները կը ցոյցան...»

կամ՝

«Բորեկները գիշակեր մեծած վախափներու...»

«Մայրիկիս» նուիրուած տղերուն վերջակէտը ի՛նչ յարգի է.

- «Ոչխար եւ փայտի՛կ Մայր,
- «Հոգիս սալ անկըքար,
- «— Աստուածի՛դ Անկըման»:

Ընթերցման արժանի կտորներուն մէջ ի՛նչ մեծ տեղ կը բռնեն «Աւերակներու Այցելում», «Լուսաւորից»ը, «Հայ Իրականութիւնը»: Ստորագրութեան մը ստորագրական կրկնումները չեն յիշեցներ «Աշուղ»-ին սա խօսքերը «Աւերակներու Այցելում»-ին մէջ:

«Մայրենի բարձն, երդն հայրենի փակելով,  
«Լուսան վագրեր եղնիկներ են որսացեր:

## ՅԱՌԱՋԱԲԱՆԻ ՏԵՂ

---

Հանդիմանող կ'ընդունին իբր բանաստեղծութեան սիրող մը՝ բանագիր իմ առաջաբանով «Վերածնունդի Երգեր»ու դասխանագրային հաստատուողը: Պարծախանով կը ներկայացնեն զայն գրչի սիրահարներուն իբր ուսուցիչ՝ երբ բանաստեղծի սխման վտրման իմ փայտապող շունչիս սակ իրենց խրատայն ու ներշնչումը ստացան զեք աստիճանով մը:

Եւ զնահասանով կը կարդան՝ ունկնդրելով երգերու դգայուն ու ներդաշնակ քրքուստներուն:

Մանաւանդ ջերմ համակրանքս կը յայննեմ փերուածներու մէջ սիրող Հաւասֆի ու Աննահարեան անկեղծ պաշտարունքի գգացումներու, որ օժումն է առողջ ու շինիչ եւ կենդանաւոր գրականութեան մը:

\* \* \*

Կրօնական բանաստեղծութեան հաստ ուր չի ան, սակայն բանաստեղծութիւնը հոն իր Բրիտանական սարագովն ու դաւանանքովը ներկայացած է, ինչ որ կը պակսի ներկայ գրողներուն արուեստի ու խորհուրդի անկեղծ բարձր արտայայտութիւններուն մէջ իսկ: Կ'ընդունին թէ աստեղծ կրօնական ստեղծանակի՝ փնտրելովս, իմաստասիրական,

«Աստղ այլերով. արծաթ քսակեր ծիծերնին,  
 «Առան վագրեր եղնիկներ են որսացեր:  
 «Բերանն սկի՛ն՝ կախար ուղևով ծխածան.  
 «Առան վագրեր եղնիկներ են որսացեր:  
 «Յոյր արունգով — յոյս եղեգներ կարևաւիչ,  
 «Առան վագրեր եղնիկներ են որսացեր:»


Ու վերջապէս, յանձնարարեցով ներկայ նախընծայ հաս-  
 տրիկոյ, կը հաւաստակ քե՛զ պոյսակ չփնայ «Վերածնունդ»ի  
 արշարոյս ըն աւելի գեղեցիկ ու քեղմնաւոր օրուան ըն  
 հաւաստիքը կը ներշնչէ, որուն կ'պարսէ, սննդակնիով ողոր-  
 նէ, երբեմնի

Ուսուցիչ  
 Ա Կ Ի Ի Լ Ի Ն Է

1911 ձեռնանեան Գոլէճ  
 Գոնիս



Բ Ն Ո Ի Թ Ե Ա Ն Մ Է Ջ



# ՎԵՐԱԾՆՈՒՆԴԻ ԵՐԳԵՐ

---

ՔԱՂԱՔԷՆ ՇԵՌՈՒ

---

Քաղաքէն հեռու՝ գիրկը Բընութեան,  
Ուր ամէն էակ է մաքուր և սուրբ,  
Գեղեցիկ, պայծառ, անեղծ բընական  
Ուր հոգին ունի թըրթիւններ նուրբ նուրբ:

Գիրկը բընութեան, ո՛հ, ի՛նչ անուշ կեանք.  
Հոն հովին թեւով կը ցըրուին հոգեր,  
Սեւ սեւ խորհուրդներ հո՛ն հոն կ'առնեն կանգ:  
Կը մոռնայ մարդն իր հառաչին կերկեր:

Ո՛հ, ի՛նչ անուշ կեանք, զերծ ամբոխէն չար,  
 Միտքն է լուռ յըստակ, սրբտիկը հանդարտ :  
 Բնութեան սիրահարն չէ վըշտաչարչար,  
 Իր սիրոյ երգն է մըշտապէս զըւարթ :

Ձերծ ամբոխէն չար, հո՛ն խոկումնալից,  
 Թաղուի՛ր յուշքերու երազին մէջը...  
 Մըտածմունքներով լայն ամպարազիծ  
 Թերթատե՛ր յուզմամբ անցեալին էջը...

Հոն խոկումնալից դիտե՛ր զարմանքով,  
 Իրերը բնութեան գաղանիքով օծուն,  
 Ո՛հ, ի՛նչ ժամ վըսեմ, այս ամէնուն քով  
 Լոկ հետը խօսի՛ր Արարիչ Աստ՛ծոյն :



Ա Ն Տ Ա Ռ Ը

Անտառն էի .  
 Սիրոյ և վիշտի փոթորիկները նետեր էին զիս  
 Հո՛ս, այս անտառը խորհրդալից :  
 Ձէի տեսներ իմ խուզարկու աչքերով՝  
 Ամպասքօղ եղերքներն անոր :  
 Կ'ընդհնչմարէի իր բիւր կածաններուն մէջ միայն  
 Անհամար հետքերն անոնց,  
 Որոնք անցեր էին ինձմէ առաջ,  
 Ու պիտ' անցնին հազարներ ալ ինձմէ վերջ :  
 Անտառներու խորհրդաւորն էր այն,  
 Պուրակներուն, ծմակներուն, պարտէզներուն  
 Գեղեցկազոյնն էր ան :  
 Ամենահինը, ո՛հ, ան  
 Բոլոր Բնութեան ու Միտքի կերտածներուն :  
 Այս անտառը քերթութիւնն էր,  
 Քերթութիւնը համայնական :  
 Հո՛ն ծառերը դարաւոր են,


Ու խոտերը անթառամ :  
 Հո՛ն ծաղիկները զմայլական ,  
 Բուրուճներով գոյներով ջինջ ու անմահ :  
 Հո՛ն այդ անտառին մէջ քերթութեան ,  
 Հանճար առիւծներն են որ կը մռնչեն .  
 Ու սիրերգու տաարակ-երգիչներն են  
 Որ կեանքի սէրերուն ,  
 Վիշտերուն , արցունքներուն  
 Տաղերն անխուշ , մեղբանոյշ  
 Կը հնչեն , կը մնջեն փափկաձայն :  
 Հո՛ն , քերթուածներն արձակ ,  
 Գլբլուն , կրկնուն վտակներն են համբընթաց ,  
 Ծաղկազարդ եզերքներու հետ համբուրուած :  
 Եւ թեւարախ սլացիկ ջրվէժներն ալ արծաթէ՛  
 Բերթուածները չափուած :  
 Որոնք յաւէրժ կը հնչեն  
 Դաշնակութեան ու Գեղեցիկին  
 Երգը ամէն դարերուն :  
 Բոլոր անոնք որ հեղ մը  
 Զգացեր են խանդազին ,  
 Վսեմ յուզումները Երազողին ,  
 Սասաւիւ՛նը այս անտառին  
 Կանչեր է՛ զիրենք  
 Իր ծառերուն տակ հովանաւոր՝ գեղեցիկ :  
 Ու միտ դրեր են բոլոր ձայներուն անոր ,  
 Ընդելուզուած գեղեցկօրէն փափկօրէն  
 Ծիծաղներովն ու վայերովն  
 Համայն մարդկութեան :

Բարձրաթուիչ քնարահարները քերթութեան  
 Շիներ են բոյներ ծառերուն վրայ ամպասլացիկ :  
 Իրենց երգը Եղբայրութեան , Բարութեան ,  
 Ու Վսեմին և Գեղեցիկին ,  
 Բարձրօրէն . հնչեցնելու , երկայնօրէն երգելու :  
 Բայց վարերն ալ , աւանդ , անգղները գիշակեր  
 Ու սղբասաց բուերը ցայգային ,  
 Կեանքի իղձերուն սրտառիչները կատաղի ,  
 Սողոսկեր են այս անտառը սրբութեան :  
 Եւ սփոփի ու յոյսի  
 Թուփերուն տակ վարդի ,  
 Պահուեր են , ծածկուեր  
 Ագռաւները սեւագլուխ չարագուշակ՝  
 Մահուան ու կեանքի :  
 Բուրձակներ ալ հայհուէներով աղեկէզ՝  
 Երգերովն իրենց կասկածանքի , սուփանքի ,  
 Ո՛հ , կը խեղդեն , խեղդեր են երգերն անոյշ ու վսեմ ,  
 Մեր սիրական հոգեկան քերթողներուն  
 Ե՛ւ մրմունջները սիրահունչ ,  
 Ե՛ւ մրմունջները մաքրաշունչ  
 Վերամբարձիկ ըզձանքներու  
 Ծառերուն մէջ ամպածրար ,  
 Զարութեան որդերն են ինկեր  
 Հիւթերն անոնց քամելու ,  
 Հոյզերն անոնց ծծելու :

Հ 5 0 1 8 2

Ո՛ւր էր , Սիւվէները այս անտառին ,  
 Ու Ոգիներն ալ քրմական ,  
 Վերածնունդի երգի

Թէ մաքրէին , մաքրէին  
 Քերթողութեան այս անտառը սրբազան :  
 Ո՛ւր էր թէ՛ հիւղեր շինէին  
 Մեծ երգիչներուն սա՛ մարդկութեան :  
 Եւ հիւղերը պատէին ծաղիկներով ,  
 Վարդերով , առուններով բարբառուն :  
 Ու սիւռէին հովանիներ . . .  
 Կրակ-Սրբոյ խօսումներովը այրած  
 Ճակատները զովացնէին ,  
 Զովացնէին զեփուներով փայփայունակ :  
 Իցի՛ւ թէ՛  
 Քերթութեան այս անտառը ,  
 Ըլլա՛ր , ըլլա՛ր իմ ալ կայանը մշտական ,  
 Ես ալ նորածիններու հետ թոթովագին ,  
 Հնչեցնէի երգերս մանկական . . . :  
 Եւ երբ մեծնայի՛ ,  
 Երբ թեւերս լայննային ,  
 Թռէի կատարներէն այս անտառին  
 Աստղացոյցով անտառները Յաւերժութեան ,  
 Հնչեցնելու երգերն իմ՝  
 Տիեզերքի Արարչին :



Զ Ն Ծ Ա Ղ Ի Կ Ը

Վերզարթնումի , աւետարտ յոյս այգուն ,  
 Հոգեգմայլիկ՝ հովտի մը ձէջ թաքթաքուն ,  
 Գեղեցիկին հրճուանքովը պեծուփ ,  
 Կ'աղօթէի բարայսով մը սիրացուչ :  
 Տեսայ յանկարծ՝ քե՛զ , ծունկերուս՝ սրբտիս հուպ ,  
 Ալուսր դէմքով ձընծաղի՛կըդ քր:մանայչ ,  
 Ու համբոյր մը թերթիկներուդ ձօնեցի :  
 Արծաթ բանուած թագ շափուլէ՛ դս՛ն ինծի :

Քու այդ տեսիլն ինծի բացաւ մըտածման  
 Աշխարհ մը նոր , Յոյսն որ չունի գերեզման .  
 Ուր կը ծըծէ Կեանքն՝ Անմահութեան ստինքէն  
 Յաւերժաբուզիս կաթը լուսեղ՝ Անհունին :  
 Հոգևոյս խորքն ալ , ուր վիշտերը լուս կ'երգեն ,  
 Փայլեց շողովն խորհուրդի մը արփածին :  
 — Կեանքի խորհուրդն , ո՛հ , իրական  
 Քեզ ոչես , ծաղի՛կդ , աւետարեր գարնային :

Հողին տակը՝ արգանդին մէջ մեր Մեծ Մօր ,  
 Կենսաւորման անքոյթ պահուղ անշեփօր ,  
 Չէիր գիտեր թէ՛ մըրրիկներ սաստկաշունչ ,  
 Կուրծքերնուն մէջ լի կայծակներ՝ կ'անցնէին  
 Այս հովտին վէս ժայռերն իսկ սեպած փուճ . . . :  
 Յուրան պ նըման դեղնած մահուան սև շունչին ,  
 Վարդին թերթերն ու թիթեռին սիրան արթուն  
 Կը քարացնէր , կ'ընէր դիտակ մը անտուն :

Կայծոռիկներն մարեցան ու ծըղրիթներ  
 Անձայն իջան փոսերնուն մէջ մըրթարեր :  
 Վըտակներն ալ ընդարմացած սառեցան :  
 Ամէն ծաղիկ , ամէն խոխոջ յուշք մ'եղաւ :  
 Չիւնը , ձիւնը , ս'ն . ծածկեց լեռ , դաշտ ու ցան  
 Կեանքի աւարն եղաւ աւեր մ'անբաւ :  
 Քայց դո՛ւն անգէտ ամէնուն , մանկան պէս ,  
 Կը ննջէիր խանձար'րիդ մէջ հողէ՛ հեղ :


Եւ դուն օր մը . — երբ ջերմ հովին համբոյրով  
 Կը հալէր ձիւնն՝ ինչպէս այտի մ' վարդը թով  
 Կը մարմըրի հըպուժովը շուրթերուն . —  
 Ճառագայթին երկարեցար կենսատու .  
 Հողէն ելար , աստղի մը պէս պըսպըղուն ,  
 Նոր բողբոջման , չըքնալ գարնան , խորագղու  
 Աւետիար տալով մարդուն , թըռչունին ,  
 Եւ աստղերուն որ ծաղկումը խինդ շունին :


Արուսեակը՝ լս'յան առտուան՝ խոր մուրթին ,  
 Գուն ալ նոյնպէս ձըմեռը ցուրտ տըխրածին՝

Կենսաթըրթիւ գարունին՝ կը կապէք յար :  
 Վըճատ մարդն երբ սև գիշերուան մէջ նըստած ,  
 Մութը կարծէ յաւերժութեան զեկալար ,  
 Հորիզոնին ան , վըտակին ալ դո՛ւն ծըռած  
 Լոյսին , Կեանքին անմեռութեան՝ վըկաներ  
 Կը կանգնիք հո՛ն՝ հոգւոյն առջև տարուբեր :

Ա՛յսպէս , ծաղի՛կդ իմ՝ ձիւնագեղ , վեցթերթեան ,  
 Քաժակդ ըսկի՛ն է լի գիւնուլ բընութեան ,  
 Ուրկէ մարդիկ կ'ըմպեն խորհուրդն Ասատուծոյ  
 — Անմահութեան Գալափարին ակնալբուր :  
 Ու դուն կ'ըլլաս Իր լոյս խոկը ձուլածոյ ,  
 Արձակելու շուրջըդ յոյսի ցոլքեր բիւր :  
 Կ'ըլլաս ինձի փաստը հըզօր՝ ապրելու  
 Վիշտէն ետքը և Մահէն :

Քե՛ղ , ալէլո՛ւ :





Ա Ր Տ Ո Յ Տ

---

Կանանչին մէջ համատիրւո ,  
Մըթընչաղին առարւան ,  
Կ'արթննաս դուն , ոսկեհուն  
Մեխակին հետ հոտեւան :

Ճաճանչը դեռ արեւուն՝  
Ծեծեւունակին չի բացած ,  
Աչքերն մեղոյշ , կտուցն հոյն  
Հիր կակաչին չը հասած :

Բիւ աչուկներդ զընթաթախ  
Արչալոյսի վարսերո՛ւն ,  
Ոսկի հագած . — հա՛րս ուրախ . —  
Բորք լեռներո՛ւն կ'յառես դուն :

Եւ կը սուրաս թեւաբախ  
Թողած բունիկդ , ո՛հ , տաքուկ ,  
Դէպ բոց ամպերն՝ երկնակախ  
Կարկեհաններ հըրաշուք :

Դուն կ'ողջունես առջի հեղ  
 Մնդրանիկ շողն արփածին :  
 Եւ կը վայլես լուս'հեղեղ  
 Փառազարդունն երկինքին :

Վարէն խընկել կը սկըսին  
 Կապուտիկներ կիսաբաց ,  
 Իսկ դուն վերէն ցընծագին  
 Կը հնչես երգդ հոգեսլաց :

Ողջո՛յն բնութեան և լոյսին՝  
 Տաղդ է յաւէտ սրբաբուղիս ,  
 Որ սրբախո մէջ սառցագին՝  
 Վազցուցած է յուզման ուղիս :

Այգայարոյց շատ անգամ ,  
 Դաշտերու մէջ ծնրադիր ,  
 Փառքին առջեւ լոյս-ծագման  
 Օրհներգած եմ հետդ ի փիր :

Իրկուններն ալ , մինչ արեւ  
 Կը համբուրէ վերջին հեղ  
 Ծաղիկն ու ծառ , սրբախո հեւ ,  
 Կ'ըլլաս երգիչ յորդաղեղ :

Բարձրութեան դո՛ւ սիրահար ,  
 Կապոյտին մէջ մրխըրճուն ,  
 Յետին շողերն արփավառ  
 Կ'օծեն կուրծքիդ ձօնն հընչուն :

Բայց խորհուրդ մը վեհիմաց ,  
 Աղամանդի զերդ բեկոր ,  
 Մտքիս տուփիկն ես ձրգած  
 Կըտուցովդ այդ երգուր :

— Թ' որքան զարնեն մեր սըրտեր  
 Կեանքի բաթախն աղուազին ,  
 Մենք միասին դէ՛պ ի վե՛ր  
 Հանենք երգեր՝ Անմահին :





Ք Ա Ր Ա Յ Ր Ը

---

Հոգիս քարայրն է .  
Բարձրութեանը մէջ զգացումներուս լեռնանման ,  
Հո՛ս , այս լռին ամայութեան ,  
Եւ միայնութեան խորհրդաւորութեամբ շուրջպատեալ :  
Քարայրը մթին է .

Ձայն ալ չիկայ :  
Պատերը անխաղիչ են մրկումովը՝ բարձրագոյն ըզձանք-  
ներուս .

Յատակի աւազները սեցիք են դառնութեան սեւ օձերու  
սեւ թռչնովը :



Առաստաղէն կը կաթկթին շթացած արցունքներս խղճա-  
խայթի :

Ու իր խորութենէն ,  
Անկիւնի ճեղքերէն ,  
Վատութեան , վախի մողէսներուն նայուածքները կը  
ցոլցան :

Նենգութեան աղուէսն է մտեր .  
 Բնականի շքեղութիւնը քարայրիս պարզուկ ,  
 Աւրեր է աւրչտիկեր :  
 Դուրսը , դրան առջեւ ,  
 Մեծ կիրքերս . — գայլեր սունացոյ —  
 Կը հակե՛ն , կը հակե՛ն  
 Զերդ պահապան շուներ այս անարձագանգ  
 Քարայրիս մուտքը :  
 Դեկտեմբերեան փքախառն մրրիկը Չարութեան  
 Կը մռնջէ՛ կատարներն անոր հարուածելով .  
 Եւ արդէն չորցած , ե՛ւ արդէն սառած  
 Ծաղիկները բարութեան , խոտերը խնձիղի ,  
 Բուսած եղբւրքները , առջեւն ու վրան ,  
 Կը խլուին իրենց արմատներէն ,  
 Քշուելու , թափուելու  
 Զորն ամայութեան և վիշտի :  
 Բոյն են դրեր հո՛ն Կեղծիքի խլուրդները ճանկաւոր ,  
 Ոստայն են շիներ արիւնախոտմ սարդերը  
 Անհաւատութեան ու Կասկածի :  
 Յուրտ պատերուն տակ պառկեր են  
 Բորեանները գիշակեր մեռած փափաքներուս :  
 Քարայր-Հոգիս ցրտի՛ն է ,  
 Քարայր-Հոգիս մթի՛ն . . .  
 Ո՛ւր էր թէ գայլին հովիւ բաղձանքներս թափառայած  
 Օթեւանիլ հո՛ս :  
 Իրենց պաշտպան ցուպի հարուածներով  
 Վանէին Քարայր-Հոգիէս  
 Աղուէսները նենգութեան ,

Մողէսները երկչտի , գայլերը կիրքերուս :  
 Ու իրենց ալ աւելովը սրբութեան ,  
 Մաքրէի՛ն , մաքրէի՛ն սեւցած պատերն անոր ,  
 Ծուխովը այրած ըղձանքներուս :  
 Իցիւ թէ՛ հովիւ գաղափարներս  
 Առաջնորդէին անուրջի դառներն անմեղունակ ,  
 Բերէին հոս . այս Քարայրը  
 Մակաղն ըլլար անոնց , Քնարանը գրգանոյջ :  
 Իցիւ թէ՛ վառէին վեհագոյն զգացումներուս  
 Ճիւղերովը խարոյկ մը լուսափայլ :  
 Զեփուռային քնքշութիւն մը տաք  
 Անգայտացնէր Քարայր-Հոգիիս  
 Յուրտով բիւրեղացած օդը սրսփուն :  
 Երգէին հոն իրենց կրզը սրինգի ,  
 Պատմէին հոն իրենց վէպը կեանքի :  
 Յարդարէի՛ն ներսը ոսկի-յարդերով :  
 Առիքէն կախուող արցունքի կաթիլները շթաքարի  
 Ճամքեցնէին իրենց մաքրներու բուրդովը ամբլիծ .  
 Խցէին սեւ ծակերն ու ծուկերն անոր ,  
 Ուրիչ ալ չելէին մողէսները նենգութեան ,  
 Թունալից սարդերն Անհաւատութեան :  
 Եւ երբ արթըննար այդը ոսկեվարս ,  
 Գար համբուրելու ճաճանչներովը իր վարդավառ  
 Մուտքի ցցունքները Քարայր-Հոգիիս :  
 Մէջի բնակները սիրական  
 Քունի թմբիբի ծանրութիւնը նետելու համար  
 Զիւնապաղաղ դաշտերն իջնային ,  
 Միտ դնելու ձայներուն՝ ձիւնի սիրահար կրգիչներուն :

Հանդարտութիւնն անոր վրդովող բան մը չըլար :  
Երբ այսքան հեշտի՛ն ըլլար ան ,  
Երբ այսքան մաքուր ըլլար ան ,  
Մնէր , ան , ծընէր  
Քարայր-Հողիւս մէջ ,  
Յիսուս-Մանուկն աննման :  
Ու վերէն , առաւօտեան ձիւնափայլ աստղերուն մէջէն ,  
Հրեշտակները աստուածառաք յուզումներուս  
Երգէի՛ն զմայլական դաշնակութեամբ ,  
— «Փառք ի բարձունս»ը Վերածնունդիս :



## Ա Մ Պ Ե Ր Ը

Երկինքը ջինջն , կապտագունակ ,  
Համակ բիւրեղ թէ երեւայ . . .  
Բայց ան ատեն միօրինակ՝  
Անհուն լաժուարթ մըն է նա :

Գիշերը լոկ՝ աստղեր ցոյցով ,  
Մահի լուսով , լուսնակ մ'ունի .  
Այնքան դիւթանք , ասլանք ու դու  
Չէ՛ , չի ծրծեր սէրս անհունի :

Բայց երբ այգը բոցվառ շողով  
Եւ ոսկեծոյլ ունի ամպեր ,  
Լղձանքն օրրէ հոգիս խըսով ,  
Յաւէրժաբար սիրեմ եթեր :

Արժաթ ամպեր ցըրքուն երկինք  
— Որոնց մէջէ տարտամ գիծով  
Անթիւ կապոյտ բացուած ծակտիք . —  
Կըրեն անձայր նրմայքի ծով :

Դարձեալ սիրեմ դորշ ջրալից ,  
Կապարացած այդ նոյն ամպեր ,  
Թէ ծոցն իրենց՝ թաքուն աչից՝  
Մահասարսուռ գըրկեն շանթեր :





## ԳԻՇԵՐՆ ՈՒ ԱՔԱՂԱՂ

---

Քունն այս գիշեր ինձ չեղաւ այցելու :  
Մուժին մէջ նստած երկար խոկացի ,  
Խոկացի կեանքի վիշտն՝ որ կը ցելու  
Խինդի վէժն՝ պարզ լով տեսիլ մը լացի :  
Մարե՛ր են դուրսն ալ երկնի ճըրագներ ,  
Սաստկացնելո՞ւ սա խաւարն բօթաբեր

Սա սենեակ մը չէ , այլ խո՛ր գերեզման .  
Շուրջիս ազջամուղջն է պատանք մը սեւ :  
Եւ լրուութիւնը ցայգային՝ նըման  
Մեռելական քարին՝ է գըլխուս վերեւ :  
Մըխիթարիչ լուսնակն ս՛ւր է , մեռե՛ր է ,  
Մինակ թողլով զիս ցաւիս հետ սէրերէ :

Մուժն իրական է , լոյսին վախճանն է մութ .  
— Այս խորշուրդն ունի վի՛ճ մը լի սարսափ —  
Կեանքիս փարելի յուշքերն լուսանիւթ՝  
Դիակներու պէս պառկած անթարթափ ,

Կ'անարեկեն խեղճս՝ հոգիս ընկճելով ,  
Յաւերթօրէն փակ շիրմի մը խորհրդով :

\* \* \*

Քայց ի՛նչ զարթնում , և ի՛նչ տեսիլ ցընծագին .  
Չայն մը կը հընչէ . . . ձայնն աքաղաղի՛ն ,  
Աւետիս տալով լոյսի Գայուսաին ,  
Մըտածումներս սեւ մեկնի՛լ կը սկսին ,  
Քանի ձայն կու տայ յաղթական երգով ,  
Արշալուսեան այդ թըռչնիկն հոգեթով :

«Կուկուլիկո՛ւ , որ ըսել է պարզաբար ,  
Խաւարն անգոյ է , լո՛կ լոյսն իրական :  
«Կուկուլիկո՛ւ» . մութն անուն մ՛է , սին բառ ,  
Պատրանքի ծոցէն ծընած օր մ՛անկամ :  
«Կուկուլիկո՛ւ» . տե՛ս , կը ծագի այգն ա՛նա՛ ,  
Լոյսին վըկան և փառքն հզօր յարակայ :

«Կուկուլիկո՛ւ» . Օ՛ , սակի են ներկեր  
Սենեակն իմ ամբողջ՝ շողերն արեւին . —  
Լուսազարդ խորա՛ն մ՛ուր անոյշ խունկեր  
Կ'ըլան խորհուրդներս , սիրաբա կը լեցուին .  
«Կուկուլիկո՛ւ» . ո՛հ , երգե՛նք միասին ,  
Տիեզերքն է լի լոյսովն Արարչին :



Ա Փ Մ Ը Զ Ո Ղ Ը

Թագարին մէջն ա՛նա՛ ,  
Դըրի սա ափ մը հող .  
Հունտ մ՛ալ շոյս ծաղկող :  
Գուրգուրանք անխորնայ ,  
Արեւն ալ կենսաշող .  
Անպակաս պիտ՛ ըլլայ :

Ամիսներ մէկ քանի  
Անցեր են սրբընթաց :  
Ծոցին մէջ կիսարաց  
Ափ մը հողն , ո՛հ , ունի  
Ծաղիկներ բուրկինի :  
Հողի՛ն ալ , փա՛ռք , Աստուա՛ծ :





## Մ Ա Յ Ր Ա Մ Ո Ւ Տ Ը

---

Սա՛ թուրատես բարձունքին վրայ  
Սիւք մը թեթեւ կ'երերայ .  
Ուր ես անմոռնչ կը դիտեմ՝  
Արեւմարքի տեսարան :  
Վերջի ճաճանչը ծայրի լեռնէն կը սուբայ ,  
Բայց դեռ ցոլք մը վրան  
Առուին , դաշտին մէջ կայ ,  
Խաւարումի ենթակայ :

Դէզերը ցորենի  
Կը հանգչին ստուերներով տիրունի :  
Համաչափ կտրուած արտերը ,  
Շարքերով մը կից անբաժան ,  
Պաստառի մը կը կատարեն դերը :  
Եւ գետակին ալիքները ոլրծուն  
Պատկերները եզերքին՝ բռնեն խորը՝ հեռուն ,  
Գունազան երերուն :

Անհարթ դարուվեր,  
Տփգոյն ու կապոյտ լեռներ,  
Կը շրջանակեն համահասպատկերը դաշտին,  
Ողջագութքանքով մը տաք՝  
Ըստուերելով մինչեւ դէմի դին,  
Քօղարկելով ամէնն իրենց տակ,  
Եւ կամարի արեւմուտքին  
Լոյսերուն հետ նոյնալով կը կքին:

Արեւին ալ չողանքները սիւն  
Ոսկեզօծ ամպերու հետ — գրկում անհուն —  
Կամաց կամաց վերջալոյսի կատարներէն .  
Խորն երկինքին կը մխրճին,  
Մինչդեռ ինքն կ'ընէ չուանքն յամբօրէն:  
Ու սեւ ձեռքը ազջամուղջին, —  
Սեւութիւն մը սարսուռտ —  
Կը փռօցկէ մութը սրտոտ:



Ո Ւ Խ Տ Ի Ծ Ա Ռ Ը

ՄՏԵՐՄԻՍ Մ. Տ.Ի

Ամէն անգամ երբ բընութեան  
Խորքերուն մէջ խօ՛ղ թափառուն  
Անմեկնելի՛ յուզումներով,  
Այց մը կ'ընեմ լըռի՛ն խոհուն,  
Ո՛րքան սիրեմ, դէթ մէկ անգամ,  
Տեսնել նոճին կիւսանըման:

Ինքն առանձին՝ միայնութեան  
Հետ անբաժան հո՛ն կը կենայ:  
Ցրցուն կատարն ու սաղարթներ  
Սիւքերով մեղմ՝ թոյլ փախստեայ,  
Հրաւէր յուշիկ ինձ կը կարգան...  
Ուր կը շրջիմ խենդի նման:

Ստուերներուն երբ կը մօտիմ,  
Հին սէրերու սրահին յիշեմ,  
Պատանութեան այրումներուն

Անմահաբեր ձենձերն վրսեմ :  
Պիրկ թեւերս ալ դողդողազին  
Բունը ձերմակ գըրկէն կըրկին :

Ո՛հ , քանի՛ նեղ արտասուածոր ,  
Ծունկի վըրայ սուրբ սարսուռով ,  
Աղօթած եմ ըզմայլմամբ խոր ,  
Վերյիշելով սէրս ու գորով . . .  
Բաժանումը խիտ ու խըռով ,  
Վըկայ սա՛ լսի թողուց իմ քով :

Ամէն անգամ երբ Բընութեան  
Խորքերուն մէջ ես թափառուն ,  
Անմեկնելի՛ խորհուրդներով  
Այց մը կ'ընեմ լըռի՛ն բեկուն ,  
Միա՛յն գտնեմ սէրէս անքան . . .  
Մեր ուխտի ծառն մըտերմական :



## ԻՐԻԿՈՒԱՆ ԱՆՈՒՐՁ

Ջուրի մը եզերք նըստած իրիկուն ,  
Մինչ ըստուերներ թոյլ կը փըռուին դարտափ ,  
Երկինք , օդ , թըռչուն , ամէնք միաբան ,  
Խորունկ ներդաշնակ կ'երգեն համաչափ :  
Կը ձայնակցի , ո՛հ , քերթողին հագին  
Երեկոյեան այս վե՛հ անհուն դաշնակին :

Երեկոյեան այս վե՛հ անհուն դաշնակին ,  
— Ջոր անտես մատներն կը զարնեն բնութեան—  
Օրրերգն է անվերջ , որով սիրազին ,  
Կ'օրրուի քերթողին սիրտը մանկական ,  
Ջուրը կը սահի , նըւազի արեւ ,  
Մեղմիկ կը շարժի հովիկ մ'իր վերեւ :

Մեղմիկ կը շարժի հովիկ մ'իր վերեւ .  
Տերեւ ու ծաղիկ շունչ կ'ըլլան՝ բուրմունք :  
Թուփի թեւապար թիթեռներ թեթեւ ,

Կեանքի խաղերուն տաղն երգեն խորունկ :  
 Քերթովն ալ ձեռք՝ ծնօտ կ'անըրջէ երկայն...  
 Զուրի մը եզերք նըստած իրիկուան :

Զուրի մը եզերք նըստած իրիկուան ,  
 Քովն ըլլա՛ր , ըլլա՛ր... սիրածը սըրտին...  
 Յայնժամ իրերը ազուորիկ բնութեան  
 Սէրս'վ ալ օծուն , ի՛նչ երազային  
 Բերկըրանք մ'անմեռ տային անմեկին ,  
 Երեկոյեան այս վեհ անձուն դաշնակին :



## ԶՈՒԳԵԱԿ ԳԱՐՈՒՆՆԵՐ

Փարտեցա՛ւ ձմեռը ,  
 Նո՛յնպէս ձմեռն հօգիլիս ցրտաշունչ :  
 Հովերն անոյշ սկսան հոն փչել ,  
 Սիրոյ հովերն են անտնք :  
 Ատելութեան հայեցան սառերն .  
 Յոյսի գետերն կը յորդին :  
 Բիւր ծաղիկներ զգացման ջինջ ,  
 Գունազան գըլուխներին ցոյց կու տան :  
 Հալեցան վիշափ խայծղան ամպերն աղջամղջին ,  
 Կապոյտին մէջ մաքուր երազներուս :  
 Թիթեռները յուզումներուս նորափետուր .  
 Զեփեռներուն հետ խինդի ,  
 Կը թեւոյարեն , կը կատակեն հոգւոյս մէջն անվերջ :  
 Սրբութեան ազաւնիները դուրս կ'ելլեն ,  
 Փակ վանդակներէն իմ սրտին :  
 Խորհուրդի նոր արշալոյսներ կը ծագին  
 Հորիզոնին վրայ հոգւոյս գմբէթին :

Հազարգունեան վերջալոյսներէ ետք ,  
վեհ յուշքերու աստղերը կը շողշողան :

Գարուն է այսօր , գարունն հոգիիս :

Կու գան մեղու-խոկերը միտքիս ,

Շինելու մեղրը երջանկութեան ,

Փեթակներուն մէջ հոգիիս :

Կուգան մետաքսաթել շերամներն ալ հրճուանքի ,

Անոր հանգիստի սնդուս բարձն հիւսելու :

Գարուն է այսօր , գարունն հոգիիս .

Բնութեան մէջն ալ գարուն :

Զուգեակ գարուններն իրար կ'ողջունեն :

Մէկը կ'ըսէ .

— «Ես մեռնող աչքին համար կը պճնազարդուիմ» :

Միւսը կ'ըսէ .

— «Ես մշտնջենի Լոյսին մէջն Արեւ-Աստուծոյ

Յաւերժօրէն գարուն եմ :

Ես Գիտակցութեան անմահ աչքին համար եմ» :

Եւ , մինչ իրար կը համբուրեն ,

Կը մրմնջեն իրարու ,

— «Մէկզմէկս՛վ ենք կատարեալ» :



Ծ Ո Վ Ի Ն

Ի՛նչ ահեղ է ծովը . կ'ըսեն ,  
Անպարագիծ հորիզոնով .  
Որ կապոյտի ծով մ'ալ վերէն ,  
Անեզրութեամբ մը հոգեթով ,  
Շարժի անխռով :

Երբեմն մըրմունջ , երբեմն ալ դող  
Զայնք ունի , կ'ըսեն , երկա՛ր . . . :  
Ալիքներ շատ թաւալգըլօր ,  
Ծածանումներ քընքըշարար ,  
Միշտ անդադար :

Շարժուն տուներ , նաւեր մեկնին ,  
Փըրփըրալից հետք մը թողլով ,  
Որ երբեմն ալ իր որկորին  
Կերը կ'ըլլան սաստիկ խըռով ,  
Անխիզճ մահով :

Մակընթացի, կ'ըսեն, յորդում,  
 Սարսափ կու տայ հոն դիտողին.  
 Կ'ողեւորի ծովը անհուն.  
 Այիքներն ալ կը փողփողին  
 Դողով լոյսին:

Ի՛նչ աննման տեսարան է,  
 Սըշալոյսի ցոլքերուն տակ...  
 Նրբ ալիքներ հարսարանէ  
 Կ'ելլեն կիւսի մ'իրբ հանգունակ  
 Քաց անդիմակ:

Վերջալոյսէ ետք երբ կամայ  
 Սեւնան ամպեր, վառ եզերքներ,  
 Քանի՛ չըքեզ կ'ըլլայ՝ դիմաց  
 Շիկնոտ լուսնի գալը դէպ վեր՝  
 Խիստ յամբերեր:

Ո՛հ, չեմ տեսած ծովը թէպէտ,  
 Ներչնչումի աճեզ մուսան,  
 Սակայն դիտեմ սիրտ սիրաւէտ,  
 Ծով մ'է անհուն սրուն գուսանն  
 Պէտք է ըլլամ:



## Խ Ո Ջ Կ Ա Ղ Ի Ն

ԲՐՈՖ. Ա. Յ. ՀԱՅԿԱԶԵԱՆԻ

Ինկեր ես սա անտառին եզրն՝ հողմավար, ո՛վ խողկաղին,  
 Կայ մէջը կաղնի մ'հսկայ ինչպէս գանկի մ'մէջ հանձար  
 մ'անծիր:

Պիտի բանայ արեւն՝ ոսկի գըռներըդ նիրհող կեանքիդ,  
 Մայր-Բընութիւնն աղջրկանն իր՝ գարնան՝ քե՛զ պիտի  
 ձօնէ,

Եւ ան ցօղն իր ցոլցուն՝ մարդրիտ պըսակ պիտ' ընէ  
 գըլխուդ:

Մութ աշխարհ մը՝ սրտեանէդ՝ պիտ' ողջունես տիեզերք  
 մ'ուր

Քաղտնիք մ'անհուն, խաւարն ու լոյս՝ կը ծընի երկ-  
 ու որեակներ:

Պիտի մեծնա՛ս լոյս ակերով.— ծիծերը Մայր-Բնութեան:  
 Քընքուշ հողեր պիտ' ըլլան քեզ փափկիկ բարձ ու  
 խանձարուր:

Քըրոջ մը պէս պիտի գեփիւուն օրօրէ քեզ համըրյով:

Պիտ' թիթեռներ՝ թեւաւոր քու ընկերներ՝ հետըդ խաղան :  
Գիշերն՝ անամպ պիտի հըսկէ քեզ յաւէտ , որ երբ բանաս  
Աչքերդ երկիրնք՝ տեսնես աստղերն լուսաբիբ քեզի  
ժըպտող :

Ամառուան եղկ շողերուն մէջ անոյշ քուն մը պիտ' ու-  
նենաս ,

Ջրմեռն ալ ձորձ ձիւնեղէն դուն պիտ' հագնիս որ չի  
մըսիս :

Իսկ թէ երբեմն , ո՛հ , շանթազէն ամպեր մութ՝ փոթորիկով  
Որտա՛ն քեզ , մի՛ վախնար , կայ Մէկն որուն ձայնէն , այո՛ ,  
Գուռ մըրրիկներն յաւէրժօրէն պասպանձած կը քարանան... :  
Գիտցի՛ր , այսպէս , փառքի մը պէս բարձր ու վե՛հ ,  
պիտի մեծնաս :

Բազուկներդ վեր երկարած սուրբ կապոյտը պիտի գըրկես ,  
Պիտի մըրտես անդունդներու կուրծքին մէջն ալ քու  
ոտքեր :

Ու դուն պիտի հագնիս հանդերձ մը կարծրը գըրահա-  
նման ,

Ուսիդ ձըգած փունջը մազիդ՝ քու ձիւղերն աստղերուն  
չափ :

Արշալոյսներ իրենց առջի ճաճանչը քեզ պիտ' յըղեն ,  
Ոսկեհուռ քօղ պիտի ձըգեն կատարիդ երկնահամբոյր :  
Ու թըռչուններ բիւր ձայներով քայլըրահունչ պիտի  
երգեն

Ճիւղերուդ մէջ ըզմայլանքի և սիրոյ ձօներգն առտուան :  
Արծիւին բոյն պիտի ըլլայ քու գագաթն երկնասլացիկ ,  
Վարն արմատիդ ներքեւ՝ վըրան մըրջիւններ պիտի  
ապրին :

Այսպէս կեանքի բիւր ձեւերը Բերկրանքի շողերն անոյշ  
Հովանուոյդ տակ , սաղարթներուդ մէջն ու դուրսն՝ պի-  
տի ըմպեն :

Արեւմուտքի պահերուն ալ խորհրդաւոր՝ պիտի խոկաս ,  
Աղջամուղջէ պատանքն արդեօք սեւ թելով , ո՞վ կը հիւսէ ,  
Արդեօք ինչո՞ւ ամպերու ծոց կայծակներ կը սնուցուին...  
Եւ լոյս աստղեր կը մարմըրին հորիզոնին դեռ չի հասած :  
Գաղտնիքներուն մէջն այսչափ , ո՛հ , գաղտնիք մ'ալ  
դուն պիտ' ըլլաս :

Եւ , պիտի գայ հովանիիդ տակն աղջիկն այն սիրահար ,  
Նալո՛ւ սէ՛րը մերժուած , լալո՛ւ յեց կողիդ՝ տիրահաւաչ...  
Ու դուն իրեն պիտ' փըսփըսաս . «Մի՛ լար , դո՛ւ , աղ-  
ջի՛կ գողտրիկ ,


Ես ալ ունիմ վէրքեր կուրծքիս , սեւ որդեր զանոնք  
բացին» :

Թափառ քերթողն ալ երազուն՝ խոնջէնքին իր՝ մոռացումն  
Ըստուերիդ տակ պիտի գտնէ : Ու դո՛ւն , նոր երգի  
մ'աւիւն

Պիտ' ներչնչես սօսաւիւնիդ սարսուռովն սըրտազղեցիկ :  
Ձի պիտ' լըքես նոյնպէս բնաւ՝ ուղեւորն այն յոգնաբեկ ,  
Հով մը պաղուկ այրած ճակտին Հնորհես պիտի սիրով :  
Բայց պիտի գայ՝ տիեզերքն՝ իր գանկին մէջ , խմաս-  
տասէրն

Այն՝ որ կեանքի լիութեան ու փառքերուն գիտակից ,  
Հեզիկ քայլով ըստուերիդ տակն անուշիկ՝ պտուտքերով ,  
Մտածումի նոր գաւառներ պիտ' ստեղծէ սա՛ Մարդ-  
կութեան :

Եւ պիտ' յիշէ Յաւէրժին մեծ Օրէնքը Հոլովոյթեան ,  
 Երբ խողկաղին մ'իյնայ յանկարծ դագաթէդ իր ոտքերուն :  
 Բեկուն սըրտով պիտ' մըրմընջէ ծընրադիր . — «Ո՛վ  
 Արարիչ ,  
 Կեանքն իմ՝ տըխեղծ , ըրէ՛ նըման կազնիխ այս ճոխա-  
 պանծ : »



## Բ Ա Ղ Զ Ա Ն Ք Մ Ը

Միայնակ , խոկուն այցելել բնութեան ,  
 Կանուխ մինչ արփին վառէ արեւելք ,  
 Շըքեղանքով մը ցուցոյ բիւրերփնեան . . .  
 Վերգարթնումի ըզգա՛լ խինդն ու վայելք . . .

Անթիւ ներդաշնակ հոն ձայներ տարբեր ,  
 Խըմբերգ մը կազմեն ծաւալուն , անհուն .  
 Խորունկ իմաստով օծուն այդ տաղեր ,  
 Կեանքի փառքը մեծ պատմեն անդադրում :

Խընկենի բոյրեր օղը ծաւալին ,  
 Գոյներ ոգեվառ ամէն կողմ տիրեն .  
 Կապոյտ մըչուշ մը՝ հանդերձ մերկ լեռին ,  
 Ամպեր մը ճերմակ կը կախուին վերէն :

Իրիկուան շուքեր նընջել կը ոկըսին ,  
 Զայներ կը մեղմին գիրկը ծառերուն :

Կատարներուն ալ ճաճանչներն յետին  
Մուժիկն կը թողուն թուխ թեփ մը թըրթուուն :

Սուրբ երազանքի , խոկմունքի երկա՛ր ,  
Պահիկն է անվերջ՝ ցընծուն դիւթական...  
Քանի՛ բազձալի , մոռնալ այս աշխարհ ,  
Ապրի՛լ միշտ այսպէս հետն աղուոր բնութեան :



Ս Է Ր Ե Ի Կ Ե Ա Ն Ք



## Մ Ա Յ Ր Ի Կ Ի Ս


---

Երբ ծընայ մութէն լոյս .  
Գըզուանքներ առջի հեղ  
Գուն տըւիր սիրահեղ .  
Մեծցուցիր կաթովդ կոյս :  
Գուրգուրանք բիւր հազար ,  
Յերեկ ցայդ համհաւսար ,  
Թափեցիր սէրէդ ծով :  
Ի՞նչ տըւի փոխարէն ,  
Փոքր սըրտիս ձինչ խորէն :  
— Լոկ «Մայրիկ» բառն թոթով :

Հայրիկն իմ զոհուեցաւ . . .  
Որբ մ'եզայ անտէրունջ .  
Հայր մ'եզար սիրաշունչ :  
Քանդեկ , ս'հ , վիշտ և ցաւ ,  
Սիրոյդ բերդ չի կըրցին . —  
Մայրական սիրտ անգին :

Անթիւ քու այս ջանքին ,  
 Փոխարէն ի՞նչ տրւի ,  
 Երբ եղայ պատանի :  
 — Լոկ «քենթուած»ս առաջին :

Ալօթքիդ խակ հիմայ ,  
 Օրհնութեանդ անդադրում ,  
 Որ կեանքի խաղերուն՝  
 Կը սփռեն անխնայ ,  
 Անհատնում ոյժ կու տան  
 Յոգնածիս թոյլ , տատան ,  
 Փոխարէն , ո՛հ , ի՞նչ տամ ,  
 — Ուխտած եմ քաղցրի՛կ մայր ,  
 Հոգիս տալ անվրթար ,  
 «Աստուած»իդ աննման :



## Ս Է Ր Ը Ս Է Ր Կ Ը Ծ Ն Ի

Ի ԽՈՐՈՑ ՄՐՏԻՑ ԽՕՍՔ ԸՆԴ ՅԻՍՈՒՍԻ

Սէրդ երբ պատանի սրբոխ մէջ ծընաւ ,  
 Երբ ըզքեզ ճանչցայ փրկութեան ազբիւր ,  
 Ճիշդ ան ժամէն ես նոյն չէի բընաւ .  
 Առի նոր ոգի , ըզգացումներ բիւր :

Կեղծիքն ու սուտը ձրգել ուխտեցի ,  
 Սըրբել մեղքերէ հոգիս անմաքուր ,  
 Որ քու սէրդ ամբիժ — գոնար մը . — խեցի  
 Սըրտիս մէջ՝ պահուի թովքով թաքթաքուր :

Քու սէրէդ ծընան սէրեր մը վըսեմ ,  
 Երկնի Հօրդ հանդէպ , Կեանքին , Մարդկութեան :  
 Սէրերն այդ անոյշ ընդմիջտ կը տեւեն ,  
 Հըրճուիմ անոնց հետ խինդով մ'անսահման :





## Ա Ն Կ Ո Ւ Մ

---

Սեւ փոթորիկ մ'հոգւոյս մէջ,  
Փոթորիկ մը քայքայման,  
Կը մըռննչէ կայծակնակուռ ամպերով:  
Եւ կը քակէ մի առ մի,  
Եւ կը ցրուէ մի առ մի,  
Քարերն ամուր նկարագրիս շինուածքին,  
Բիւր ճիգերու տըքնանքովը կառուցուած:  
Կէսն եմ իջեր բարձրութեանն,  
Մ'հ, մաքրաջինջ իմ կեանքին.  
Այլակերպման գաղաթն հազիւ կ'երեւայ  
Հերմոնական լեռներուն:

Ո՞ւր կը տանիս զիս, անգո՛ւլթ,  
Այս մըրբրկուած կիրքերուս մէջն ամենի,  
Դուն իմ թեւէս պինդ բըռնած,  
Ո՞ւր կը տանիս, ըսէ՛, ո՞ւր...  
— Մ'ահուան ձորը, պատանքս իմ ուր վըռեր ես,


Մէջն որուն զիս պիտ' փաթթես :  
 Թո՛ղ , ճշմարիտն ըսեմ՝ քեզ :  
 Ես քեզ հրեշտա՛կ կարծեցի ,  
 Եւ երկնային ջինջ հուրի .  
 Քայց դո՛ւն , մեղքին պատուիրակ ,  
 Ու բարութեան դո՛ւն դահիճ  
 Եւ բարձրութեանս սխերիմը՝ քե՛զ գըտայ :  
 Քու աչքերուդ բոցն ինծի՛ խաւար դիւածին ,  
 Եւ քու սըրտիդ բարախները ցանկաշունչ ,  
 Կ'ըլլան մահուանս ցուրտ խորշակն  
 Որ կը մարէ կեանքիս ճրագն յուսավառ : —  
 Ու ես կ'իյնամ դիակնացած՝ քու ոտքին . . . :

Զի՛ս փըրկեցէ՛ք , զի՛ս փըրկեցէ՛ք անկումէս . . .  
 Սեւ մազերովն իս կապեց ,  
 Եւ նայուածքին կայծակով ,  
 Զիս շանթահար տապալեց :  
 Ո՛հ , փըրկեցէ՛ք , շո՛ւտ , փըրկեցէ՛ք անկումէս :  
 Մեղքի գայռին մէջն եմ ինկեր . . . թալթալուն ,  
 Եւ գեանասող տենչանքներուս օձերը  
 Հոգւոյս վիզն են փաթթըւեր :  
 Թոյն-ըզգացման տըզրուկներն ալ արիւնխում ,  
 Սըրտիս երակն են պատուեր :  
 Պիտի մեռնիմ , չի կա՛յ մէկը զիս փըրկող . . . :

— «Եկո՛ւր ինծի , ո՛հ , եկո՛ւր ,  
 Ես Փըրկիչդ եմ , ինձ եկո՛ւր . . . » :  
 — Սնծանօթ չէ այս ձայնն ինձ . —

Կու գա՛մ քեզի , Փըրկի՛չս իմ .  
 Աղատէ՛ զիս անկումէս :  
 Սիրոյդ ոսկի թելովն սըրտիդ՝ զօդէ՛ սիրտս :  
 Ու փոթորիկն հոգիւս ,  
 Խաղաղէ՛ շո՛ւտ , խաղաղէ՛ ,  
 Գալիլիայի ծովուն պէս :  
 Եւ տա՛ր զիս անքոյթ ափունքն երազուած ,  
 Հեռո՛ւ , հեռո՛ւ , մի՛շտ հեռո՛ւ ,  
 Այն կենսաստղան Համբարուէն կախարդիչ :





## Ի Տ Է Ա Լ Ա Յ Ի Ն

---

Կը տենչամ ես նախ ըզգալ քեզ ,  
Ո՛վ իտէալի մաքուր էակ ,  
Ներքնաշխարհիս մէջ թաքուն , հեզ ,  
Շունչի մը պէս փայփայունակ :

Օ՛հ , ես կ'ըզամ քեզ հանդիպիլ ,  
Երազներուս ուղիին մէջ ,  
Թուփերուն տակ երթալ մէկտեղ ,  
Արցունքովս ջինջ ծաղկած էջ էջ :

Կ'երազեմ , ա՛խ , ըլլա՛լ քեզ հետ ,  
Բարձունքի մը գագաթը չվե՛հ ,  
Թեւեր առնուլ՝ սուրալ յաւէտ ,  
Գտնել սիրոյ ակըն Եանվէ :

Եւ , կը բաղձամ շքնչել մեր սէր ,  
Յաւերթապէս մեր սրբերէն ,  
Լեցնել անհունն , մահի՛ն վըսեր ,  
Կեանք տալ անջինջ՝ Յիսուսօրէն :





## ԵՐԱԶԻ ՄԷՉ ԵՐԱԶ

---

Պուրակին մէջն էինք մենք,  
Ուր արեւը պրտակ կ'ըլլայ ծառերուն,  
Առանձնութեան մեղրէ գետն ուր կը հոսի:  
Ուր հըրճիւր սօսափին հետ՝ ծառերուն,  
Հողոյն քընարն աղուածայն,  
Կը թըրթուացնէ մեղմօրէն:  
Պուրակին մէջն ուր ըստոյգ,  
Գեղեցկութիւնն աղուոր բնութեան կը շիկնի  
Քու գեղեցիկ կոյս տեսիլիդ առջեւը:  
Պուրակին մէջն առանձի՛ն...  
Ուր Անուրջը ազաւնիի թեւերով  
Մեր սիրոյն շուրջ կը յածի:  
Ուր կարիճներն չեն սողոսկիր թոյն-մեղքին,  
Վերածնունդի երգեր

Հիր ըզգացման վարդերուն տակ քընքչենի :  
 Եւ մենք երկուքս—զոյգ մը ճաճանչ— կը ձուլուինք  
 Զինջ ասաղի մը լուսածին ,  
 Մէջն ըստուերին պուրակին :  
 Նոճիին տակ երկնահամրոյր , միայնիկ ,  
 Կ'ըղձայիր դուն , ո՛հ , ինծի  
 Պատմել երազդ այն օրուան :  
 Արցունք մը կար աչքերուդ մէջ մեղեօիկ . —  
 Յօղ մը՝ ինկած կապուտակի բաժակին :  
 — «Պատմէ՛ , ըսի , սիրելի՛ս ,  
 Թերեւս սրփռէ քրչիկ մը լոյս մեր կեանքին  
 Խոց խորչերուն սեւ , մըթին :  
 Ու դուն պատմել ըսկըսար ,  
 Զեփիւռային հեւքով մը :  
 — «Ընչպէս շանթը վայրահակ  
 Կը ջախջախէ մեծ կաղնին ,  
 Իր անկումի խօլ զայրոյթէն , նախանձէն :  
 Նոյնպէս մարդիկ չարակամ  
 Քանդիչն ըլլալ ուզեր են ,  
 Մեր սէր-կեանքին բարձրութեանն . . . :  
 Կը տեսնէի երազիս մէջ որ . . . ո՛հ , ո՛հ . . .  
 Բաժներ էին մեզ իրարմէ առյաւէտ :  
 Ու ես երկա՛ր . . . Գերեզմանիդ այցելու —  
 Բու մը եղայ ողբասաց :  
 Եւ վերջապէս անդրաշխարհի ափունքը ,  
 Բեզ գըտայ ես , քեզ փարեցայ սրբտաղին :

Միթէ կըրնա՞յ բաժնուել  
 Շողը՝ լուսնին ճակատէն արծաթ՝ լուսագեղ :  
 Սիրող սրբտեր Շող-Լուսնակին են նրման :  
 Երանութեան ու փառքի  
 Վայրն էինք մենք , զոր մարդերը կը կոչեն  
 Վերջնակէտը Տառապանքին ու Երկինք :  
 Բիւր պալատներ աղամանդ ,  
 Եւ փողոցներ սակեղէն .  
 Շափուղ , տըպաղ , յակինթ դըռներ , կարկեհան ,  
 Ու ձեղուններ արեւներով կանդեղուած :  
 Երգ , ալելու ցընծութեան ,  
 Քընտր , տաւիղ ու բանդիւս ,  
 Սէր , խընդութիւն և ժըպիտներ անհամար ,  
 Կը վայլէինք անխտիր :  
 Այս ամէնուն մէջ յանկարծ ,  
 Վերցիշում մը ունեցանք :  
 — Թէ մարդերը աշխարհին  
 Մեզ ատեցին հօգեւին :  
 Ու մենք զարկինք մեր թեւեր ,  
 Դէպ ի գահը Արարչին :  
 Ո՛հ , կը զգայինք մենք ըզմեզ ,  
 Ըզմայլումի ծովի մը մէջ խո՛ր , անծի՛ր . . .  
 Հուսկ հասանք մենք : Բիւր արեգներ չեն կըրնար  
 Կազմել հըսկայ լուսեղէն  
 Գահն Արարչին . — ալը Լոյսին ինք միայն :  
 Ուր սուրբերը , հրեշտակներն ալ ձրենափայլ ,

Մեր աստղերուն ճիշդ նման :

Անտես էին Լոյս-Աստուծոյ փայլին մէջ :

Երկիրսպառնք երեք հեղ ,

Մըմընջեցինք միասին .

— «Մենք սիրեցինք մըշտ իրար

Քայց մարդիկ մեզ ասեցին . . . » :

Եւ լըսեցինք նոյն հետայն ,

Չայն մը քաղցրիկ մեզ կու գար

Ու մեր հոգին կը յուզէր ,

Ջըրվէժեկով հո՛ն ցընծութեան յորդ գետեր :

— «Ե՛ս կը սիրեմ երկուքդ ալ» :

Ու արթընցա՛յ . . . չէի գիտեր թ՛երա՛ց մ՛էր . . . :

Կը հընչէ դեռ ականջիս .

— Ես կը սիրեմ երկուքդ ալ» :

Մըտիկ ըրէ՛ , ո՛վ հոգի՛ս ,

Թ՛ե արփիններն ընկըմին ,

Խաւար հագնին աստղերը ,

Ու տարերքներ մըմընչեն ,

Եւ տիեզերքն ոչինչին գիրկը նետուի .

Հաւատա՛ որ մենք կ՛ապրինք :

Սէրը նիւթ չէ , չի մեռնիր» :

Յետոյ քաղեց ծաղիկներէն պուրակին ,

Նունուֆար մը գեղեցիկ ,

Եւ ինձ տըւաւ ի նշան

Յաւերթութեանն իր սիրոյն :

Մինչ սարեկներն իրիկուան

Ջըւարթ զըւարթ կը դառնային մեր շուրջը ,

Սիրաթաթախ երգերով ,

Մեր սըրտերը կ՛օրօրէին հեշտօրէն :

Կը սկըսէին մանիչակներն հեզոգի

Կապտագունակ թերթիկներն լար ծըռել ,

Քոց զանակող կայծոռիկներն աղօտել :

Վերջալոյսի վերջի շողը մինչ մեկնէր ,

Ճամբայ ինկանք դէպ մեր հիւզերն առանձնակ :

Արթընցա՛յ . . . ո՛հ , այս ամէնը լոկ երա՛ց մ՛էր . . .

Անկողինիս մէջն էի :





## ԻՆՉ Է ԿԵԱՆՔԸ

---

Կեանքը միայն չէ արտ'սուք,  
Երկինք միայն չէ ամպոտ.  
Փրպիտներ կան անմեղուկ,  
Կապոյտ մըն ալ անչըփոթ:

Ժամեր օրեր կան հրրճուանքի,  
Օրեր ալ լուռ սուգի սեւ:  
Մարդիկ այսպէս այս կեանքի  
Բնուր՝ կը զգան խիստ թեթեւ

Կեանքն է անուշ իր մահով,  
Վարդն ալ խընկոտ փուշովն իր:  
Գաղտնիք մ'անա՛, մեծ՝ խըռով,  
Զոր չընդգրկեր խելքին ծիր:

Եթէ կու լաս, ժրպտէ՛ արդ .

Թէ կը խընդաս, լա՛ց հիմայ :

— Գիրկընդխառնում մը կախարդ —


Որով գերուինք ակամայ :

Երանի՛ բիւր այն մարդուն ,

Որ արցունքին մէջ ժրպիտ ,

Մահուան գիրկն ալ կեանք մ՛անհուն ,

Տեանն՛ շանայ անքրթիթ :



## Z U H U S F H U Z E S

Քու շիրիմի հըրանունկին  
Ցօղերն առտուան՝ հուր չըրթունքով  
Ես ըմպեցի գորովագին :  
Թարչամիլն իր տար ինձ խըռով .  
Արցունքներն իմ զինք ցօղեցին :  
Ծագիկն ըզգաց ցաւիս լեզին :

Քու շիրիմի նոճիին սեւ ,  
Մըտերմացայ ես հոգեւին :  
Տըւաւ ճիւղ մ՛ինձ սըգատերեւ  
Շինելու իմ հառաչիս վին :  
Ես ալ նրատիլ խոստացայ իր  
Ըստուերին տակ՝ լ՛ուռ վըշտակիր . . .

Ըստուերին տակ մութ մահածին ,  
Քու ցուրտ քարին գըլուխս գըրած ,  
Երկնն՛ Վերջը՝ իմ ցաւ-կեանքին . . .

Ըզճանքներուս երազայած ,  
Եղաւ ինծի — շատ տարիներ —  
Մոռցնող պահը՝ մահուանդ եղեր :

Դաշոյն մ'առի , սեւ գիշեր էր ,  
Մըրըրիկ մը կը սըփռէր մահ՝  
Մեռնի՛լ ինծի շիրմիդ քովեր ,  
Վերջի յոյսս էր , միակ գործս , ս'հ...  
Բայց Հաւատքս հոն թեւէս բըռնեց ,  
Ըսաւ մեղմիկ , ուսին իմ յեց :

— «Սմէն գարնան կը բողբոջի  
Հըրանունկը , տե'ս , շիրմի'ն :  
Համբուրէ՛ գիւս... : Գու անուրջի  
Հըրանունկն ալ յաւերժագին  
Պիտի ծաղկի : Այս համբոյրէն  
Երգերդ յոյս , կեանք պիտի խընկեն :

Դո՛ւ այն ատեն նոճին վարդի  
Պիտի փոխես , պիտի մոռնաս  
Բիւր վիշտերդ այն կախարդի՝  
Անյուսուլթեան մօր վաղահաս :  
Պիտի ձայնես իր շիրմի'ն :  
— «Ե՛լ , ողջունե'նք ծագող Արփի'ն» :

Համբուրեցի՛ գի'նքն ես լալէն...  
Դաշոյնն ինկա՛ւ , ս'հ , իմ ձեռքէն :



## Մ Ե Ղ Ա Յ Գ Ր Ի Չ Ս

Մեղայ , գըրի՛չս , ես անարի  
Անսէր սրբաով ըզքեզ տարի .  
Քեզ լըքեցի , չի սիրեցի :  
Մոռցայ խոհերն իմ երկնացի :

Մեղայ , գըրի՛չս , մեղքը սեւցուց  
Սուրբ ջինջ հոգիս սիրակառոյց :  
Անոյշ երգը կը նըմանի՝  
Պիլծ ականջիս՝ խըռպտա ձայնի :

Մեղայ , գըրի՛չս , քերթողական  
Հուր երազներ մերթ մերթ անկամ  
Թըռիչ տըլին իմ խանդերուն ,  
Ես մարեցի իմ ցուրտ սըրտում :


Մեղայ , գըրի՛չս , սէրըս քեզի—  
Ամեր առաջ ես ձօնեցի .  
Փոխան սիրոյս դառն մոռացում  
Տիրեց ներսըս դատարկասուն :

Մեղայ, գըրի՛չս, մեծ մեծ ուխտեր  
Շուտ իմ մէջըս դարձան ախտեր :  
Խորհուրդներս՝ շինուած երգեր՝  
Մեռան անձայն՝ թողլով վէրքեր :

Մեղայ, գըրի՛չս, ս'հ, այս փամէն  
Կ'ուզեմ թօթվել անցեալս ամէն :  
Եւ այս վերջին, այս առաջին  
Ուխտն եւ խոստում պիտ' չի կորչին :

Մեղայ, գըրի՛չս, ա՛լ ասկէ վերջ  
Բոլոր մեղքերս, խոհերս ըստերջ,  
Պիտի մոռնամ... սիրե՛մ ըզքեզ :  
Ս'խ, ներէ ինձ գըրիչս իմ նեզ :





## Հ Ա Յ Ո Ւ Ն Ո Գ Ի Ն

---

Հայ աշխարհի հորիզոնէն ան կ'անցնէր .  
Երբ աչքերս՝ պատած մըշուշն արցունքի  
Յոյսի համար դէպ ի երկինք վերցուցի :  
Կուրծքին սեղմած մանկիկ մը քուն , յառա՛ջ վեր ,  
Սրբաթեւ արծիւ սաւառներ :

Կապոյտին խոր ծոցն՝ իրենց բոյն , ծըւարած  
Աստղերն . — նիրնող կայծոռիկներ . — քուն էին :  
Մինչ կը հալէր՝ ձոյլ մը արծաթ՝ կէս լուսինն .  
Գիշերն այ սեւ մէկ նըկարիչ մութ մը բաց՝  
Ներկէր իրերն ամէն դիաց :

Եւ կը սուրար . հագած ունէր սեւ շրվարչ ,  
Սուգին համար հայ կոյսերուն , մայրերուն :

Աչերն զուգեակ կորիզն աստղին այն փառփունս .  
Գէսն որուն լոյս՝ կ'ըլլայ իրեն ծրփուն վարս  
Լուսաթըրթիւ , մըշտաչարփ :

Ունէր թեւեր . դարերն տըւին թեւ իրեն :  
Խոյսնք մ'ունէր . . . Նըպատակ մը գինք կը վարէր :  
Հայուն փառքի պուրակներէն քաղեր էր  
Փունջ մը համեստ՝ ծաղիկներու գունեղէն ,  
Ծըլած Հայուն արեւէն :

Փունջին վրայ ցօղեր կային . — արցունքներ  
Հայ աչքերու . — որ անքան շատ կաթեցին :  
Մինչ ինք կ'անցնէր՝ լոյս սերմիկներ կենսածին ,  
Քանգուած գիւղի , քաղաքներու թափթըփէր ,  
Ուր ծաղկէին նոր թըփեր :

Ու կը շտապէր դէպ շիրիմներն անծանօթ՝  
Մարտիկներուն հայ ծընունդի՝ քաջարի ,  
Որ Պատիւի , Գաղափարի և Փառքի  
Քանգակեցին կոթող մ'անջինջ , անկարօտ  
Պըսակներու և նարօտ :

Կը ցանցընէր ծաղկի փունջէն թերթիկներ  
Անոնց հողին՝ լոկ գիշերուան ցօղով թաց .  
Որոնց վրայ ամէն իրկուն բու մ'կուրցած՝  
Կը վայվայէր մօր մը փոխան աղօթիկեր  
Ու քոյրերու խընկաբեր :

Ըստեղծագործ Ոգին Հայուն՝ կը մտնէր  
Սմէն հայ տուն որ դեռ կանգուն՝ կը խոկար .  
Յոյսի ցոլքն հոն կը հոսէր ժպտուն , սիրաբար ,  
Միբականն իր լացող աղջնակն , մայրն՝ որբեր ,  
Կը սփոփուէին քաղցր ընտել :

Հայը նըստած՝ սեփ սեւ մութին ադամայ ,  
Լըքումն ու վիշտ պատած ընդմիշտ իրեն շուրջ ,  
Վըհատութեան արցունքներն՝ իր աղի սուրճ ,  
Կ'ըմպէր մինակ . . . Ու չէր նետեր Եւրօպա  
Նայուածք մը լոկ հեռակայ :


Բայց ահա՛ , տե՛ս , Հայուն Ոգւոյն՝ սիրտն Հայուն  
Յաւերթական օթեւանն է՝ իր սիրած :  
Հո՛ն , այս ժամուս , շողերն ճակատին , աչքին կայծ  
Անկիւններուն իսկ մըթագոյն տըւին գոյն ,  
Եւ Յոյսին ալ յարութիւն :

Վառեց Ոգին՝ ճըրմա՛գն անոր Հաւատքին ,  
Կապեց գօտին ճըշմարտութեան յաղթապանծ ,  
Արդարութեան հազցուց զըրաճն ոսկեմած :  
— «Ե՛լ , ե՛լ ոտքի , կեանքի մը մէջ խաւար՝ ծին  
Շուրջըդ ազգեր կը մաշին :

Ինձ հետեւէ՛ , դո՛ւն , անխոտոր» . ան ըսաւ :  
Արեւելքի Աստղը իրեն հետ ընկեր ,  
Կը սըլանար — մութին մէջը կայծակ մ'էր —  
Վերածնունդի երգեր

Անցեալն Հայուն և ապագան, խինդն ու ցաւ,  
Կրնքած՝ Հոգւոյն մէջն անբաւ :

Հուսկ հասաւ ան՝ խորանի մը Յիսուսեան,  
Մանկիկն անոյ՛ջ՝ գըրկին՝ գըրաւ հեզօրէն  
Պատկերի մ'ըսլ Սուրբ Յարութեան նըկարէն :  
Մանկիկն, ո՛հ, այդ՝ կ'ուզէս գիտնալ, բարեկամ.  
— Վերածընուող Հայն է Ան :



Տ Է Ր Վ Ի Շ Ը

Ճամբայ ելաւ Տէրվիշը,  
Նանախ մ'ուսին, ուխտին պէս կուռ և պողպատ :  
Չախը համրիչ մը սաթէ,  
— Իր օրերուն պէս դեղին. —  
Մեղբամոմի սառ կաթիլներ՝ հատիկներն  
Որով կը համրէր իր կեանքին  
Վայրկեանները, խոկերը,  
Ասուպներու պէս թըռչող :  
Աջին մէջն ալ եղջիւր մը,  
— Չէր ա՛յն եղջիւրն Հերմէսին —  
Որուն վրայ ճաճանչ աստղեր՝ Արուեստը  
Մահիկսլ մը լուսնային,  
Իմաստնօրէն դրօշմուած էր նըրբագիծ :  
Կըռնակն ունէր մ'որթ մ'ուլի,  
Մորթած ուխտին սակըրով,  
Նըւիրման օրն երջանիկ :  
Եւ թիկնօցին տակ լայնչի՛

Քարայրներու, ճրգնումի  
 Մուկն էր գաղտնոյդ, պահւըտած :  
 Ակօսուած սեւ ծալքերով  
 Գօտիին մէջ Պարսիկի  
 Անապատի բարկ բոյր մը դեռ կը ծխար :  
 Պարեգօտ մ'ալ ճեղքըւած,  
 Ձիգ կ'երկարէր մինչ ոտքերն  
 Իր մերկ, որուն փակած էին ամխացած  
 Ըսպիններ սեւ. — խածուածքներ  
 Սեւ քարերու. — ակռաներ  
 Անմարդակոխ ճամբաներու վայրենի :  
 Իր հեռան չի տանիր ժպիտ,  
 Ոչ կարօտի հալած կըսկի՛ծ. — արցունքներ :  
 Հայրենիքի մ'երազն ալ  
 Չաստղազարդէր գիշեր կեանքին երկինքը :  
 Իր շըրթները տապահերց,  
 Չեն համբուրած գաւաթը  
 Մըտերմութեան սուրբ խընջոյքի սեղանին :  
 Շունչ մը սիրոյ գըգուանոյջ  
 Չէ փայփայած հեղ մը կուրծքն իր արեւկէզ :  
 — Միայնութեան ուխտաւոր...  
 Կ'անցնի՛ ինչպէս գարնան ամպի մ'ըստուերը :  
 Չեռքով գալուկ, օր մը՝ երբ  
 Գիտակցութիւնը բացաւ  
 Վարագոյրը կեանքի. — հիւսուած թելերով  
 Պատրանքներու վշտերու :

Թաղարեմէն աշխարհի  
 Երբ որ լըսեց ժըխոր մը սեւ, անիմաստ  
 Եւ երբ տեսաւ թըմբիրը  
 Իսլամական ցեղերու, լոկ նախճիրի  
 Անյագ տենչէն արթընցող արջ մը անխիղճ,  
 Սիրան ալ որջ մը՝ գարշ սգիին աւերի... :  
 Ո՛հ, այն օրը, այն գիշեր,  
 Վազեց ելաւ թասուն, հեղձ,  
 Ուքը բոպիկ, մագերն հովուն խօլազին,  
 Երկնամօտիկ լերան մը ցից գազաթին :  
 Ուխտե՛ց հողով ա՛յն գիշեր .  
 Ստաղաճամուկ, անլուսին,  
 Աչքն Անհունին բեւեռուն,  
 Ըլլա՛լ պարիսպ արդարին,  
 Կուռ վահան մը ճըջմարտին :

Ճիշդ այն օրէն ճամբորդի  
 Յուպը վերցուց ու քալեց :  
 Յուպին ծայրն ալ նահախը  
 Մահիկանման կը շողար  
 Մութ անցքերուն, իր վրայ :  
 Կըրեց քաղաք, լեռ՝ սար ու ձոր. հուսկ հասաւ  
 Աշխարհը սեւ՝ զուլումի :  
 Եւ երբ դըրաւ ոտքն անոր, պահն էր գիշեր :  
 Խօխոմներէ, ձորերէ,  
 Սեւ ագռաւի սեւ կռիչներ, ունումներ  
 Դիպպատառ գայլերու,  
 Փուշ սարսուռներ կը լեցնէին մարմինն իր :

Մուկիւն մէջը իր դէմը՝  
 Կարմիր հրգեհն մ'ալ լեզուներով վագրերու,  
 Վերի աստղերն ալ անմեղ,  
 Կ'ըզձար կըլլել, լափլիզել :  
 — Հայ գիւղակ մրն էր որ կ'այրէր...  
 Քիչ մ'անդիէն, ծառերու տակ մութ կանանչ,  
 Սիրա դաշունսղ ճիչերով  
 Սուրբ պատիւին՝ կարասի  
 Ողբը կ'երգէր հայ կուսիկ մը լըկըւած...

Մըրըրկեցաւ իր հողին .  
 Յիշե՛ց, յիշե՛ց հին օրե՛ր... :  
 Անեղաշունչ հառաչոյն  
 Իր՝ բացուեցան յիշատակի պալատին  
 Դրաներն՝ օծուած արցունքներու արծաթով,  
 — Այհամպրան Պաղտատի —  
 Ուր կը շրջէր Արեւելքի Մաւրիկը,  
 Սաւառնաթեւ լայն ու թըխպոտ ըստուերէն՝  
 Ծըւէն մ'ալ էր ինկեր՝ Մայր  
 Հայաստանի մերկ ուսին,  
 Ոսկի թագ մ'ալ Շահընշահի՝ կուսցոյն  
 Իր հիւր դընէր, հայ Առիւծին, Բագրատի :  
 Եւ ծաղկեցան հայ գիւղեր .  
 Քաղաքներն ալ պըճնեցան  
 Ընծաներոյն Արուեստին :  
 Պերճ թագուհի, հայ Անին  
 Եօթնագունեան կապեց դօտին ծիրանի :  
 Խոկաց, յիշեց այս ամէնը :

Ըսաւ . — «Միթէ և չէ՞ այս  
 Այն ցեղն անմեռ . — անթաւամ մէկ ծաղիկը  
 Քննութեան և Երկինքի . — որ շա՛տ շա՛տ դարեր,  
 Սրարատի լեռներուն մէջ . — օրբոցք վեհ . —  
 Փառքն օրբեց զինք, որուն գանկը հանճարեղ՝  
 Եղաւ ջահը խաւարածին Ասիոյ :  
 Չէ՞ այս այն ցեղն . — որ կանգնեց  
 Ըտեղծագործ ձեռքերով,  
 Բիւր անգամներ աւերուած  
 Տաճարն ու տունն հայրենի :  
 Չէ՞ այս այն ցեղն . — որ հիմա՝  
 Ազատութեան ցանած սերմերն Արեւելք  
 Կը ցնցուղէ շաղն ու ցօղոյն արիւնին :  
 Այո՛, այն ցեղն որ կը մորթին  
 Գառնուկի մը պէս մաքրագեղմ,  
 Նախատօնին փըրկութեան» :

Այսպէ՛ս անցաւ ա՛յն գիշեր... :  
 Արշալոյսը կարմիր ներկած մագերն իր,  
 Հայ կոյսերու ջինջ ու բոսոր արիւնով,  
 Ներբանն ոսկի կը դնէր  
 Լերան բարձր կատարներուն, քան զի ան  
 Լոյս բերերոյն էր տեսած վարը՝ դաշտերն  
 Ուր կը մխար տաք մոխիրն հայ չէներու,  
 Որ պիտ' խանձէր նարգէս պըճեղն սաքերուն :  
 Արեամբ կարմրած ցուքն՝ իր մատը՝ կը ցուցնէր  
 Ողջ փըշըրուած հայու գանկեր, ոսկըրներ,  
 Շառայլ դիեր . — դէզ վարդերու . — բըռնկած

Անեղ բոցոյն վրէժի :  
 Տըխուր արխուր Տէր իրչը ,  
 Այս ամէնը , գերդ թունտա խոտ , մըտքին մէջ  
 Կ'որոճար լուռ , կը քալէր . . .  
 Սըրտին զարկոյն յորդ՝ համրելով ոճիրներ  
 Աւազին չափ անսպասին իր երկրի :  
 Ճիւճիւներու հեռ՝ զօղանչներն աւարի  
 Կար՛ւաններուն , ձորին մէջէ կը լըսէր :  
 Քովը դըրչող վըտակին հեղ մ'ալ Տէրվիչն  
 Ուղղեց նայուածքն . . . արի՛ւն , արի՛ւն . . . կը հոսէր :  
 — «Երթա՛մ , ժամն է փըրկելու .  
 Դէմի քաղաքն , ս՛հ , կը դարնեն , կը դարնեն :»

Մըտաւ քաղաք Տէրվիչը :  
 Կիրճեր ձեղքող ձերմակ հեղեղ մ'ամբոխը  
 Փողոցներէ կը խուժէր  
 Հըրապարակը քաղքին :  
 Նոր Մովսէս մը՝ տենչար մէկէն պատըռել  
 Կարմիր Ծոյն այս արիւնի :  
 — «Կեցէ՛ք , կեցէ՛ք , Միւսլիմներ ,  
 Մարգարէին զաւակները դուք չըլու ,  
 Ձեզի պատգամ եմ բերեր :  
 Բոյրն խեղդել չէ կարելի ,  
 Վարդն ոտքի տակ ճըզմելով :  
 Սուրով զարնել շողն արվւոյն  
 Է յիմարի խալ մ'անմիտ :  
 Դըրէ՛ք պատեան ձեր թուրեր ,  
 Եւ հրացաններ պատի տակ :

Գիտցէ՛ք , գիտցէ՛ք , գիտցէ՛ք որ  
 Սուբերնիդ ձեր կողն , տուներնիդ գերեզման ,  
 Արցունքն Հայուն՝ թոյն ձեր հացին աւարի ,  
 Եւ կըտաւններն Հայ կիներու ժըրաջան  
 Բոցէ շապիկ պիտ' ըլլան ձեզ :  
 Պիտի ծաղկին աւերակներն այս՝ վաղը ,  
 Մեխակ , շուշան պիտի ծըլեն հողերը  
 Կոտորածի զոհերուն :  
 Այս է պատգամս , ս'վ թուրքեր ,  
 Պըսակէինք թ'այս ազգը  
 Գուրգուրանքի ձեր դափնոյն ,  
 Չի պիտ' ըլլար ձեր ճակտի գիրն արիւնով  
 Եւ Հըռովմին , Բաբելոնին պէս զըրուած . . . :

Իսկ ամբոխը , կատղած գազան , պահ մը պիրկ  
 Կեցած կարծես կը կըչուէր հարուածը ,  
 Սօֆթայական ճիրաններն իր՝ սուր ցըցած ,  
 Յարձակեցաւ Տէվրիչին :  
 — «Ալ բա՛ւ , ալ բա՛ւ , պիղծ ուրացող դու կեալուր :»

Ինկա՛ւ Տէրվի՛չն . . . արծաթափայլ մօրուքը  
 Քըրքմածաղիկ ներկեց ժայթքը արիւնին :

— «Սիրտն հանեցէ՛ք , սիրտն հանեցէ՛ք , կեալուրին ,  
 Ծան մը արւէ՛ք , որուն սիրտն  
 Հազար անգամ է մաքուր :»  
 Կոկորդալիը կը գոչէր  
 Հրահանգիչ ծեր Մուլան :  
 ❀



## ԾԵՐՈՒՆԻ ՄՇԵՑԻՆ

Ի Ր Թ ՈՒ Ա Ն Ը

Եկո՛ւր, գագիկ՛ս, սլճագուրեմ քեզ,  
Այ հասկցայ որ Հայն է ազատուած.  
Հայը դարաւոր, Հայը վշտակէզ  
Այ փրկեր է մեր Տէր-Աստուած:  
Եկեզեցին ալ աւետեց խնդուն.  
«Եզբարց մերոց գերելոց ազատութիւն»:  
Եկո՛ւր, Թոռնիկ՛ս, գաւակ նահատակ հօր,  
Համբուրեմ քեզ, պատմեմ ի՛նչ որ նոր...:  
Ո՛հ, քու ալեւոր, հանին սգաւոր,  
Ճիշդ անցեալ տարի, բուքին էր կարծեմ,  
Ճերմակ մազերով, կարօտով խոր,  
Իջաւ գերեզման՝ անբուժ կրակիձէն:  
Շատ արցունք թափեց, եղերերգեց շատ,  
Նահատակ հօրդ բազուկն անվշատ,  
Որ ֆէտայիներու շարքին մէջ հերոս  
Ինկաւ բուժմանն համար կուրծքին՝ Հայաստանի արիւ  
նահոս:

Մանուկ մ'էիր դեռ , գաւնուկ մը փոքրիկ ,  
 Երբ Բիւրաբեր անբարոյ և արիւնկզակ ,  
 Դեզձան մազերով , սէրվի հասակով քու քուրիկ  
 Առին տարին . . . ա՛խ , անգուժ ժամանակ :  
 Ի զո՛ւր էր բողոք , ի զո՛ւր լաց ու պաղատանք .  
 Իր Հիմէնեան քօղն եղաւ իր պատանք :  
 Հայուն՜ի՛ք , որդիք Հայաստանի ,  
 Ձեր տանջանքէն ո՛ր ժայռ-սիրա չի սասանի :

Այլ քանի անգամ անօթի զօրքին  
 Փորը կըչտացուցինք , բայց կիրքն էր անյագ . . .  
 Անթիւ արշաւանք , բիւր մահեր կրկին ,  
 Մեր սուրբ ժամն ու պատիւն նորէն սաքի տակ :  
 Բայց երբեմն հերոսներու ալ  
 Յազմական դրօշը ցնծուն ու ծալծալ  
 Սաւառնեցաւ սաղայէլի բանակին վերեւ ,  
 Հայուն իբր ազատութեան յոյսին միակ արեւ :


Եւրոպան լսեց , անգուժը լսեց ,  
 Սարսուաց ուժգին ջարդերէն Հայկեան ,  
 Դրժեց հայ-սուրին տալ փառքի դափնին վէս :  
 Կռիւ հայկական , կռիւ պատմական  
 Յորում Հայը գրեց անխափան ,  
 Սարերու վրայ , ձորերու մէջ կաթիլներովն իր արեան  
 Մահ կամ ազատութիւն այս Հայրենիքին .  
 Միլիոններ են որ կը տառապին :

Սրարի՛չ գլխաց :  
 Հայուն վսեմ գործ պսակեց բարեկամ-թշնամին ,

Ազատութեան փողը հնչեց համատարած :  
 Բռնակալութեան հիմերը թէ դեռ կ'երեւին ,  
 Յաւ չէ այդ , թոռնիկս աշխոյժ .  
 Այսչափն ալ բերէ մեր վէրքին բուժ :  
 Յնձացէք դուք անմահ քաջեր ,  
 Լոյս տեսան ձեզմով մեր աժգոյն աչեր :

Ուրեմն մանդաղդ ա՛ռ . դէպ ի դաշտ գնա՛ ,  
 Տո՛ւր ազատութեան այս աւետիքն խնձղուն ,  
 Թո՛ղ անվախ ըլլան որդիներն Հայկայ ,  
 Փարատեն ցաւերն հին . հին կսկիծներն անհուն :  
 Ազգերու ալ եզբայրութեան հնչեց երգը յամբարար .  
 Թո՛ղ ալ ցնձա՛ Մայր-Հայաստան դարէ դար :  
 Շո՛ւտ , շտապէ՛ դաշտ , բայց սիրակա՛նս աղու ,  
 Մի՛ մոռնար գէնք մ'ալ հետ տանելու :





## ԱԻԵՐԱԿՆԵՐՈՒ ԱՅՑԵԼՈՒՆ

ՀԱՅԱԳԷՏ ԲՐՈՑ. ՄԱՐԻ

Ա.

Որդիական ձեռքերովն ու արցունքով  
Հողի դրրաւ իր ծեր մայրը՝ հօրը քով,  
Տունը մընաց լըքուած, ամայ սըրտի մ'պէս,  
Ուր ոչ մէկ իղձ կ'արձագանգէ սիրահունչ :  
Վըճուեց մեկնիլ : Առաւ պարկը այծենի,  
Ձրգեց մէջը չոր հաց մ'իբ մօր եփածը :  
Կորագըլուխ՝ վերցուց ցուպն ալ պառաւին՝  
Դրբան ետին պահ դըրուած : -- Ո՛վ հայրենի  
Խարխուլ արնա՛կս, մընաս բարո՛վ» -- ըսաւ ու  
Հուռ մեկնեցաւ :

Ուղիներէ ան կ'անցներ .

Ուր եղինճներ մացառներու գիրկն աճին :  
Ջարկաւ թելերն աշուղական վեհ սաղին .  
Ամէն հարուած արցունքներ կը թափթըփէր .  
— Ցընցուած ճիւղէն իյնող ցօղի կաթիլներ —

Եւ կ'երգէր. — «Ով Հայրենիքիս աւերներ ,  
 Չեկաւ ձեզի մէկն այցելու այն օրէն ,  
 Երբ գորշ փոշին սուգի պատանք , ծածկեց ձեզ :  
 Լուռ հիւրընկալ ձեր երգերը կիսափուլ ,  
 Թոժիւններու եղան անդոյր քընարան :  
 Պատերնուդ տակ փըլփըլկած՝ օձն իր թունոտ  
 Թըմբած իրանն արեւին մէջ տաքցուց :  
 Մողէսն իր ձուն շեմերնուդ տակ կտորրտած ,  
 Եկաւ պահել ամէն գարնան խիւղով մը :  
 Կրուռնկ մը լոկ ամպերէն ձեզ նայեցաւ ,  
 Արնոտ ողջոյն մ'նայ պանդուխտէն կրուշկելով :  
 Մէկն , ս'ն , չեկաւ ձեզ այցելու այն օրն երբ...» —  
 Ու աշուղը երգեց , լացաւ ու երգեց :

Թ՛.

Մըտաւ գիւղ մը :

Կարծես ոգին աւերի ,

Անվախ կ'անցնէր ձեղուններու , քիւրերու  
 Եւ սիւններու մարդակներու ներքեւէն :

Որոնք ժահրոտ սունկ ու բորբոս են ծըլեր :

Մա բակն է տան մ'ուր ջուրի տեղ կաթ կ'հոսէր ,

Ուր միասին ցատկըռտէին ուլն ու գառ :

Մա սենեակ մ'է հարսանեկան՝ իր պատերն

Արնոտ ու խուլ դեռ կը սգան հարսն ու փեսան :

Հիւրանոց մ'աս՝ դուռը բացուէր յարգանքով ,

Լուսամուտէն . — սարդ մ'որուն վէժք կը հիւսէ . —

Ներս կը մտնէ պատրուելով զայն չափալ մը ,

— Միակ հիւրը — տալու որդ մը զազրելի  
 Նօթի որդւոյն փրտած փայտի մ'մէջ պատասպար :  
 Իսկ տաններես մ'է սա ուր կայ թոնիր մը շէնի՝  
 Կոտրած շըրթներն են թափուր , ուր շատ գիշեր  
 Մամը նըստած իր թուներուն կը հիւսէր  
 Քաղցր հէքեաթներ և աղօթքներ սըրբազան .  
 Մինչ դուրսը՝ ցուրան առած թեւեր մըրըրկի  
 Եօթն հեղ սաստիկ գըրկած ցընցէր տնակը :  
 Արդ թոնրին մէջ ձերուկ բու մը կը վայէ :  
 Քիչ մ'ալ անդին քակուած մակազն՝ ուր կը մտնեն  
 Խուսմը մը վարազ փոխան հօտին ոչխարի :  
 Եւ , բուրաստան մ'է սա , երկու ցանկով դեռ կանգուն ,  
 Մեկուներու վայրը ջանքի և սիրոյ .  
 Չիկան անոնք , որդ ու թըրթուր լորձահեղ՝  
 Ոսնաջախջախ ծաղիկներն ու թերթիկներն  
 Իսկ են լափեր , թողլով ջիւղեր՝ վըկաներ :  
 Անդին գիւղին ժամն է — հիմայ որջ մ'արջի —  
 Գըմբէթն ալ հերձ . — Կո՛ւրծքն իր՝ բացած Երկինքի —  
 Սեղան խորան սեւ քարակոյտ մը քայքայ ,  
 Որ արցունքով անբիծ , բարի համբոյրով  
 Էին օծուած , սուրբ աղօթքի՝ խուռնկի մէջ :  
 Արդ կը պըղծուին անծեղներու սեւ ծիրտով :  
 Քար՝ յատակին մորջ մամուռն ալ կապերտ մ'է :  
 Հինայացած գերաններու կը փաթարւին  
 Պատաղիճներ՝ քարփերու հետ կենդանի :  
 Չիկան զանգերն ու մայիւններն խաշինքի  
 Սիրարուղի «հօ , հօ»ն ուլունազարդ կովարծին :  
 Զաւարածեծ սանդէն ալ ձայն չելլեր , —

Ժամադրաւոյր պագչոտ գորտի մ' ցամաքի :  
 Զահրակներու ճրտինչները մեռեր են  
 Պառուին հեռ' իրենց պըլլուող, Զարդին մէջ :  
 Ամայութիւն... լըռութիւն... սեւ ամոլներ,  
 Մէկը տիրող, տիրուհի միւսն աւերի :

— «Հէրի՛ք», ըսաւ արբամած՝ Աշուղն. «Այ երթա՛մ...»  
 Կ'անոյնէր կաղէն, խըլուրդներ կը պարէին  
 Հովին տալով չոր հողերնին՝ ցորենի տեղ :  
 Կըմասքնին փուշ՝ արտերն ալ — մեռելներ —  
 Պառկեր էին կողն անհովիւ լեռներու :

Պ.

Կը համբուրէր արեւն սակի շըրթներով  
 Զինամիտա յօնքն ու ճակատ ծեր լեռներուն :  
 Մութն ալ ծածք մը թուխ՝ կը փրուէր ծուռկերնուն :  
 Հեռուն, հեռուն վերջալոյս մ'ալ կը մարէր,  
 Արեւելքի դաշտերուն մէջ. (ի՛նչ տեսիլ...) —  
 Աշուղն իբրեւ թիթեռ բոցին տարփաւոր,  
 Այրած սիրտը կ'ըզձար այրել հուսկ անգամ :  
 Ո՛ւշ էր... մարդկուլ բոցն, ս'հ, գիւղին հանգեր էր.  
 Մինչ բըրբին վրայ խինդի կըրակն էր վառուեր :  
 Կըրնա՛ր այգ բոցն առնել զինքը գըրկին մէջ... :  
 Վոհմակ մը հոն բարբարոսի կը պարէր,  
 Առած մէջն հայ մերկ կոյսերու երամ մը.  
 — Վագրերու գիրկն գեղազանգուր գառնուկներ. —  
 Կարմիր հուրը մարմար պորտին, ս'հ, անոնց,

Կ'ըլլար զենչակ վըրիժախանդ ամօթլեած :  
 Հայ աղջիկներ, քաջ աղջիկներ հազիւ հինգ  
 Պըրծած Զախուեր էին գըրթոտ ժայռերու.  
 Գիւղն որոնց սուրբ էր բիւր անգամ քան Բիւրտինն :  
 Աշուղն հո՛ն էր, զայն կը հսկէր Բիւրա մը հըսկայ :  
 Ան մերթ պարին, մերթ աւերին կը նայէր,  
 Գիւղին՝ ուրտեղ որդեկընդիր ծիծառ մը  
 Կը պըտուաքէր, շխդի մը էն հողմավար,  
 Զագուկներն իր գամին մէջն են մոխրացեր... :  
 Վերագարծող տատրակներն ալ իրիկուան  
 (Ո՛հ, ի՛նչ սարսափ) վանդակի տեղ կը գտնեն  
 Զերմ գազախի կոյտ մը կայծով լի, յղի :

— «Զա՛րկ, զա՛րկ սաղըդ, երգէ՛ Աշուղ, երգ մ'անուշ,  
 Եւ մենք պարենք և մենք ցատկենք հեշտագին :  
 Երգէ՛, Աշու՛ղ, շարֆի ըտէ՛, 'ւ երբ յաղնինք,  
 Թող երգերով ծոցն հայ ալջկան նըւրբուկնք :  
 Մերժումն էր մահ, Աշուղն երգել ըսկըսաւ :  
 — «Լերան վագրեր եղնիկներ են որսացեր,  
 Ծընած՝ սընած անձրեւավերջ արփուոյն տակ :  
 Լերան վագրեր եղնիկներ են որսացեր,  
 Մայրենի բարձն, երզն հայրենին քանգելով :  
 Լերան վագրեր եղնիկներ են որսացեր,  
 Ասող ոչքերով, արծաթ թասեր ծիծերնին :  
 Լերան վագրեր եղնիկներ են որսացեր,  
 Բերան ըսկիհ, կամար ուլնով ծիծան :  
 Լերան վագրեր եղնիկներ են որսացեր,  
 Յոյր սրբունքով. — լոյս եղէգներ կաթնաւիշ :

Լերան վագրեր եղնիկներ են որսացեր  
Մինչ հովախ մ'մէջ, կոյս երկինքի՝ լուսնի տակ,  
Հարսանիքի խրրախճանքի կրագով  
Կը կատուէին... » —

Ո՛հ, մըրըրիկ մ'տուե՛նի, —  
Շունչը թերեւս հայ զոհերուն այրւած. —  
Հըրձիգ գիւղէն, տաք մսծիրով, կայծերով,  
Սուրաց փաթթեց, բոցէ վերմակ ըլլալով  
Անոնց մարմինն, արդէն խանձած կիրքերով.  
Փախա՛ւ Աշուղն այդ սողոմեան վայրերէն  
Սազն իր գըրկած :

Գ.

Ախուրեանի եղերքն էր.  
Ու երբ տեսաւ այրի Անին՝ երազն իր.  
Ցաւ մը ըզգաց՝ ցաւը հայուն վիրաւոր :  
Աշուղն ողբաց .  
— «Ո՛ւր են, Անի՛, լայն ճամբաներդ .  
— Աւեր են :  
Ո՛ւր են, Անի՛, կուռ պարխապներդ .  
— Աւեր են :  
Ո՛ւր են, Անի՛, սուրբ տաճարներդ .  
— Աւեր են :  
Ըսէ՛, Անի՛, ո՞ւր պալատներդ .  
— Աւեր են :  
Ըսէ՛, Անի՛, ո՞ւր են բերդերդ .  
— Աւեր են :

Ըսէ՛, Անի՛, ո՞ւր են շէնքերդ .  
— Աւեր են :  
Մի՛ լար, Անի՛, ո՞ւր թաղաւորդ .  
— Մեռեր է :  
Մի՛ լար, Անի՛, ո՞ւր իշխաններդ .  
— Մեռեր են :  
Մի՛ լար, Անի՛, ո՞ւր գաւակներդ .  
— Թափա՛ն են... » :

... Ո՛հ, քարերըն իսկ լացին :  
Երգեց, լացա՛ւ, երգեց Աշուղն հետ սազին :

Ե.

Լուսինի շող մ'օծուած մահով՝ Աշուղին  
Փոս մը ցոյց տար — դատարկ աչք մը օձակուլ —  
Նետեց զինքը հո՛ն գլխիվայր յուսահատ :  
— Մեռաւ յանկարծ լըռութիւն մը դարաւոր —  
Կ'ըզձար ինքն այդ, բայց չէր մեռեր... մէջն այսչափ  
Աւերներուն, ի՛նչպէս չըլլալ աւեր մը...  
Սագին աղիքն ոլրեց, տոս մը ամրապինդ,  
Ջարկաւ լուցկի մ' — վերցուած Քիւրտէն՝ որ չայրէր  
Այ հայ գիւղեր — պարզմըտութիւն աշուղական :  
Կը փընտըռէր, լոյսո՛յն աղօտ, սան մը մայթ  
Պիտ՝ ուր կախէր մահուան լարն ու մարմինն իր :  
Ո՛հ, ի՛նչ սոսկում և ի՛նչ զարմանք մէկը կար .  
Քայլ մը առաջ, քայլ մը ետ, հուսկ մօտեցաւ :  
Չէր ողջ էակ մ', ոչ ալ Ոգին աւերի,  
Այլ արձան մ'էր, ո՛հ, արձանը Քազիկի,

Ան որ Անին պրճնեց քօղէք ու գինգոյլ :  
 Տուն անիծեալ նետեց , գրկից մարմարը ,  
 Սիրաք սրբախն՝ ճրգած գրլուխն ուսն անոր ,  
 Լացաւ , լացաւ... արցունքն տաքցուց պաղ քարը ,  
 Գարնան անձրեւն ինչպէս շուշան մը սառած :  
 Պատմեց շատ բան թագաւորին յարուցեալ ,  
 Որ լսկ չզջիկ մ'նեա իր ձագին կը լըսէր :  
 Ու քընացաւ Աշուղը...

Եւ կ'երազէր...

Հայրենիքը՝ դարձած գրբախան ճիներուն ,  
 Երբեմն բու՛ այժմ տոխակ կ'երգէր փառքն անոր :  
 Բուռ բուռ վարդեր կը սըփռէին հայ կոյսեր ,  
 Շէն գիւղերու ճամբաներէն մինչ կ'անցնէր :  
 Հասաւ արնակն իր խարխուլուն — պալատ մ'էր ,  
 Մայրը նըստած դուռը՝ իրեն կը սպասէր ,  
 Թեւերն բացաւ մայրը գըրկել կը ճգնէր...  
 Ո՛հ , արթընցաւ... Արձանն էր որ կը գըրկէր... :

Այգն էր ծագած , զոյգ մը ճաճանչ բացատքէն ,  
 Մէկն Արձանին , միւսն իր սըրտին էր ինկեր .  
 Որոնց մէջէն Արարիչն Յո՛յս կը ծորէր :



Լ Ո Ւ Ս Ա Ի Ո Ր Ի Չ

Ձահն այդ բըռնած ձեռքիդ մէջ ,  
 Յիսուսի սիրան է լուսեղ ,  
 Իւզն արիւնն է , պատրոյգն իլուսուած շողվարսէն ,  
 Վառուած կայծօմիւ անմահութեան՝ իր բերած  
 Երկնի-Հօրմէն . — համակ լոյս :  
 Սաւար է հոս , գիշեր մ'ուր չէն փայլիր  
 Յոյսի աստղերն ու արեւներն հաւատքի :  
 Լոյսդ ինձ ըլլայ ունովիրայ .  
 Շըրջինք ժամերն ու խորաններն ինաուրց ,  
 Որոնց անլոյս մամբը դուն վառեցիր ,  
 Եւ գըմբէթին խաչնիշերը կանգնեցիր :

Ահա՛ դուռ մը՝ կտորած՝ քարսիրտ մարդերու  
 Ունհարուածէն ջախջախիչ .  
 — Գիւղին ժամուն դուռն է խեղճ —  
 Տ'ես , յատակը թուղթեր ցըրքուն՝ պատըտած  
 Մարդէ մ'որուն բերանն երգէր — «Ազատ , լոյս...»


Մինչ ձեռքն իր կը բընծըկտէր — Կենաց Գիրքն —  
 Ազատութեան, Լոյսի, Սիրոյ այդ ազբիւր :  
 Խաչ մ'անա՛, տե՛ս զընդակահար ծակծրկուած՝  
 Նետուած շեմին, կը համբուրեն զայն ստքեր,  
 Փոխան շուրթի սըրբաշունջ :  
 Խորանն է սա՛ իբր ըստաշխը բուրվառին՝  
 Սըրբապըզձման սատկած շունը կը հոտի —  
 Ասա՛ծոյ ընծայ է բերուած...  
 Հայ մ'է բերողն որուն սըրտին մէջ զըրբի  
 Գոհար մ'անգին — Հաւատքը :  
 Անչէջ փայլով ան շողշողաց դարէ դար .  
 Արդ նետուած դուրս... Սիրտ տուփին մէջ ժահրաբոյր՝  
 Հիմա իժ մը կը սողայ,  
 Կասկածի թոյնն երակներուն կաթելով :

Իսկ սա շէնին աղուոր շէնքէն ոռնումներ  
 Կը լսուին... տե՛ս, եկեղեցին մորի մ'է .  
 Չունի մըսո՛ւրն ան՝ ուր Յիսու պիտ' ըլձար  
 Ծընիլ հեղ մ'ալ մարդոց համար վերանկեալ :  
 Յարդ չիկայ հո՛ն, լի քարբ է,  
 Գառներու տեղ՝ գայլեր իրար կը շընթեն :  
 Եւ գիւղակին բընակներն ալ լափուեր են  
 Վամբիրներէ մարդխոշոշ :  
 Անցնի՛նք, Չահիդ սուրբ ցոյքերն ո՛հ, հարատին  
 Մեղքի ցեխէն համաափիւռ :

Քաղաքին մէջ տաճարն է սա Անահաթի :  
 Չէ հին Հայոցս Անահիտ՝ Մայրն առաքինի ,

Հատինքն որուն կը հոսէր սէր, բարութիւն... :  
 Այլ կուռք մ'ոսկեայ, արծաթսէրին տարիելին .  
 Կը շամբըջին գիրկն անոր տիւ և գիշեր,  
 Կըրօնք ու խիզճ ծախողներ :  
 Վահագինն է սա բագին,  
 Կ'ըսեն մարդիկ արիւնխում,  
 — Չէ մեր Վահագն երկնաալացիկ, աստղացան —  
 Դիք մ'որ կու տայ անաստուածին ի՛նչ լախեր՝  
 Ջարդելու գանկն ուր Աստուած է բագմեր :  
 Ու Աստղիկին գեղամի՛,  
 Առջեւ կանգնած հոյլ մը կոյսեր, պարմանի ,  
 Կը մորթեն Սէրն չար դանկովը Տըսիփի :  
 Միտ դի՛ր, կը հնչեն զանգակներն ալ դողդաղին  
 — Մահը՝ Հայուն Աստուածին :  
 Չըւանն անոնց անհաւամանէր կը շարժեն :  
 Անյուսութեան խաւարով տե՛ս կը փակեն  
 Աչքերնին՝ չի տեսնելու  
 Խաչէն՝ վերջը՝ փառքն Յարութեան Յաղթապանծ :

Հեթանոսեան աղջամուղջն է մեզ գըրկեր...  
 Իցիւ հոգւոյն մէջը մեր,  
 Ջահդ այդ լուսեղ՝ Փըրկչական  
 Սէ՛րը ցոլար կենտափիւռ, և, գիշերին  
 Մէջն այս՝ Հայուն՝ մոլորահեա կորսըւած...  
 Ո՛հ, ճանապարհ մը ցոյց տար :



Մ Ա Ն Մ Ը

(1895)

Շարաթ իրկուն մ'էր վեհանայշ, հայկական,  
Ծերուկ մայրիկս խունկ ծրխեց:  
Խինդը բուրման հեա թեւապար, թափանցիկ  
Անկիւններուն մեր տան ու մեր սրբաբուն  
Սիրայուչիկ այցելեց:  
Սեզանն էր դիր ընտանիքին երջանիկ,  
Ծաղկազարդուած թոռներով:  
Խայտանքի ճիչն, ո՛հ, անո՛նց,  
Խոր հրմայքի երգ մ'էր զեղուն հողեթիւ՛  
Իմանալի՛ հօր և մօր:  
Քայց հըրճիւլին մէջն այս համայն՝ երազուն  
Ձինջ գաւաթին մէջ՝ ինկած  
Սեւ կաթիլ մը արևորութեան,  
Ա՛հ, սըղատորեց ամէն ինչ:  
Ծերուկ մայրիկս երբ իր դողդոջ ծունկերը  
Դըրաւ առջեւ Սեզանին,

Հըծծիւնով մը ցաւազին  
 Լալ մը վըրցուց, ու մեր աչքերն խընդալիւզ,  
 Թոռմած կողերն արցունքով  
 Լի ուռեցած՝ մեզ ցուցին:  
 Ձէինք գլխեր. ի՛նչ դառն յուշք մ'այս հեղ ալ,  
 Մըբըրկի մ' պէս կը սարսէր  
 Կիսափուլ իր և կիսամաշ կըմախքը. —  
 Տաճար մ'աւէտ խընկելի  
 Որդիներուն կաթոգի:  
 Մենք լըռեցինք, ինչպէս թըռչուն գեղգեղող,  
 Մըթասարսուռ խոր գիշերի մ'առջեւը:  
 Ձի հարցուցինք պառճառը  
 Չարիւնելու իր գոսացած հին վէրքը:  
 Սեղանն այսպէս վերջացաւ:  
 Թոնիրին շուրջ գըրգանոյշ,  
 Խըմբուեր էինք ամէնքս ալ:  
 Մեզմէ մէկը. — «Քաղցրիկ մայրի՛կ, ս'հ, ինչո՞ւ,  
 Լացի՛ր այնքան սեղանին շուրջ» . մըրմընջեց:  
 — «Սօսէ՛ մեզի, մի՛ ծածկեր,  
 Արդեօ՛ք շիրմիդ սարսու՛ռն անցաւ քու մէջէ  
 Որ դողդղացի՛ր այնքան շատ:  
 Ըսէ՛, մայրիկ ջան, ըսէ՛,  
 Արդեօ՛ք յո՞ւշքը մեր հօր մահուան չարաշուք  
 Հողուդ մէջէ թըռաւ նրման չղջիկի  
 Մութին քօղը պատըռող:»  
 — «Այո՛,» ըսաւ փրզըձկումով մը սըրակեղ.  
 «Ձեր հօր մահուան սեւ յուշքն անցաւ — սե չղջիկ —  
 Միաքիս թըխպտ հօրիդոնէն ամպամած:

Իր պարտէզին գեղն ու զըրզանք՝ լիութիւնն  
 Դեռ չի վայլած վայրիկ մ'իսկ,  
 Իր նորածիլ տունկերուն  
 Բուրեղ պըտղիկն արփաթոյր,  
 Իր մահացու շըրթներուն դեռ չի ցօղած  
 Վարձքի կաթիլն աղուահամ,  
 Գընաց անտամ և յաւէրթ...:  
 Ո՛հ, կ'ըզձայի որ ըլլամ,  
 Ինքը նըստած բազմոցին վրայ վեհօրէն,  
 Գինուայ բաժակն առած ձեռքը՝ թաթաղուն,  
 Տա՛ր սեղանին օրհնութի՛ւնը ցանկալի»:  
 — «Մայրի՛կ, մայրի՛կ, պամէ՛», ըսինք թաղծաղին.  
 «Մեր մանկութեան դէպքն այդ դաժան է՛ահաւոր»:  
 — «Ճերմակ մագերս սեւ հողին դեռ չի արւած,  
 Այո՛, կ'ուզեմ պատմել հե՛ղ մ'ալ զայն ձեզի,  
 Ո՛վ սիրական գաւակներս:»  
 Եւ ամէնքս ալ լս՛ւռ էինք:  
 — «Ջարդի արնոտ արեւը  
 Երկու անգամ եկաւ հայ հողն համբուրել:  
 Երբորդ օրն էր. ցըրքուն կային ամպեր լոյս  
 Կապոյտին մէջ աչագեղ: —  
 Շողիները արցունքներո՛ւն՝ մայրերու,  
 Մանուկներու և մահամերձ ձերերու:  
 Իմ պաշտելի ամուսինս,  
 Դէպքն էր լըսեր, ահեղ դէպքը, քըստմնելի,  
 Յըլի կընոջ փողոտուելուն՝ մեր թաղին,  
 Որուն անշունչ մանկիկն էին, ս'հ, ցըցեր

Զողի մ'երկայն, սրբածայր,  
 Նախաստեղու հայ արգանդը, պատիւն հայ :  
 Ինչքուչ սրբատվ և սիրազոհ հայրիկները  
 Զիս կարծելով դժբազդն ա՛յն,  
 Անբոյդ վայրը՝ դեպանատունն էր թողեր,  
 Որբիկներն իր փրկելու :  
 Բայց Արհաւիրքն իր կապարէ թեւերով  
 Կը հրսկէր դեռ՝ Հայ մահերու տենչանքով :  
 Իբրկից թուրքը մեզի հանդէպ շատ բարի,  
 Ապաստան՝ րան արու մեզի իր տունը :  
 Բայց ինք մեկնած իրենով (ս՛վ չարութիւն)  
 Զեր հօր մահուան գաւը կ'երկնէ եղեր ան...  
 Նրստած էինք կրրակին շուրջ՝ անդիտակ  
 Թէ վերջի՛նն էր... մեր խրմբում :  
 Մեր աշխէան աչ կը վրընձէր մերթ ընդ մերթ  
 Ու մեր սիրտը կը ցնցէր :  
 Եւ, լրսեցինք ձայներ սարսիչ, ձայն զէնքի,  
 Կը մարէին սրտնց հեռ նոր հայ կեանքեր... :  
 Մենք ամէնքըս, մանաւանդ ինքն անհամբեր,  
 Մեզ պահողին կը սպասէր,  
 Սու գալուստին տանտիրոջ :  
 Ի՞ժ կատկած մը կը չարչրբէր մեր հողին,  
 Ո՛հ, մի՛ գուցէ կու գան մեզ ալ կը սպաննեն :  
 Մարդու ձայն մը կը հրնչէ բիրտ յանկարծուստ,  
 ..Տանտէրն էր ան, ճիշդ պաշտպանը մեր կեանքին,  
 Կը կանչէր մեզ՝ բանալու  
 Տանը դուռն ու... մեր մահուան...» :  
 — «Այո՛, մայրի՛կ, կը յիշեմ.

Նախ ևս գացի բանալու,  
 Բայց Հայրի՛կս... ուղեցի՛ն...» :  
 — «Ո՛հ, չեմ գիտեր, ի՛նչ խորհուրդ մը զո՞հարեր,  
 Մըզեց զինքը աննրկատ,  
 Մօտ քան քրտան հրէշներու մարդխոշոշ,  
 Ըսպառազէն կատաղի :  
 Մէկն անոնցմէ քաշեց դաշոյն ու զարկաւ...  
 Կապուտաչուի, ս՛հ, չիկաներ ամուսնոյս...  
 — (Խեկացնոր էի ևս,  
 Վերջն այսպէս ինձ սլատմեցին) —  
 Զուրկ զէնքերէն խարդաւանքով առնըւած.  
 Մըսուրին տակ ապաստան՝  
 Աղաչելով անդիմադիր կը մեռնէր...  
 Ո՛հ, թէ չըլար իր աչքերուն ճիշդ առջին,  
 Սըրտի հատորն ու գաւակներն մարթէին,  
 Ի՛նչ անոնց արեան մէջն ալ զինքը թաթխէին... :  
 Նահատակ մը ճըշմարիտ,  
 Հարուածները կ'ընդունէր  
 Իր սիրական աշխէա ձիուն վըզին տակ :  
 Գաշունահար (ս՛ւր էր, Սատուա՛ծ, դու շանթըդ)  
 Եւ իր կուրծքէն վիրաւոր,  
 Ըսպաննելին թեւին փաթթուած դո՛ւրս գընաց,  
 Որպէս զի մենք չի տեսնէինք զինքն այնպէս...  
 — Մէր հայրական, սէր անմու —  
 Բայց կայծակ՛հար բունին ճիւղերն չե՛ն իյնար  
 Նոյն այն բունին մսխրացած :  
 Դէպի բակը խոյացինք :  
 Պառկե՛ր էր, ս՛հ...» — մի՛ լար, մայրի՛կ, ս՛հ, մի՛ լար» :

— «Ձեռքը կուրծքին խաչածնել,  
 Ուռն իր սուքին պատշաճօրէն մը դըրած,  
 Կեանքի մահուան մէջ կ'օրօրուէք՝ արեւին  
 Շողերուն տակ. — Նայուածքներն  
 Հըրեշտակներու երկնառաք:  
 Եւ հոգւոյն պէս մաքրալինջ  
 Կապոյտն՝ իրեն ճամբայ մ'էք...  
 Բարձեր բերինք և ձայն տըլինք, բայց, աւանդ,  
 Հուսկ շունչին հետ գըլուխն իրեն կ'երերար:  
 Վերջին անգամ համբուրեցի՛ր... և նո՛յնպէս...»  
 — «Այո՛, մայրի՛կ, համբուրեցինք երեքս ալ:  
 Մեր մանկական արցունքները թափեցինք,  
 Արցունքիդ հետ յորդագեղ,  
 Ո՛հ, վէրքերը... լըւացինք...  
 Սակայն, մայրի՛կ, ջան՛ մայրիկ,  
 Դիւցազնուհի մ'էիր դուն,  
 Ահեղ վիշտիդ, մեր հօր մահուան առջեւը,  
 Երբ մեր սիրոյն աղաղակ մը չ'հանեցիր:  
 — «Տեսայ, զաւա՛կս անուշիկ,  
 Ոգեվարի բերան բացուան երեք հեղ...  
 Մինչ կը դառնար խօլաբար  
 Կըրտսեր եղբայրդ պըղաճախիկ,  
 Ինչպէս քանդուած բոյնին շո՛ւրջը՝ ձագուկ մը  
 Դեռ անփետուր և անփորձ,  
 Եւ կը ճըւա՛ր անդադար...  
 — «Մի՛լար, մայրի՛կ ջան, մի՛լար...»:  
 — «... Նոյն այն մարդիկ ոճրագործ,  
 Եկան տարին, ոտքէն բըռնած քարշելով

Ի՛նչպէս դիակ մը շունի...»:  
 — «Հայրի՛կ ջան, ջան՛ հայրիկ,  
 Գէթ գերեզմանդ գիտնայինք...»:  
 — «Եւ դո՛ւն, մայրիկ, ըստօրէնէ՛,  
 Արծաթ մազով դի՛ր գըլխիկըդ իմ ուսիս:  
 Գիտցի՛ր, մայրիկ, որ օր մը,  
 Վրէժի շեփոյն մարտագուռ  
 Պիտ՛ հընչեցնենք մենք Հայե՛րս.  
 Ես զինազարդ երթա՛մ պիտի ջարդելու  
 Թուրքեր հազար անհամար...»:  
 — «Ձէ՛, չէ՛, զաւա՛կս, պէտք է գիտնալ, ես գիտեմ,  
 Բանի՛ դառն է այրիութեան սեւ քօղով  
 Մեծցնել որդի, թըշնամիխ չե՛մ կամիր»:  
 — «Հապա՛, մայրի՛կ, մեզ մորթեցին անխընայ»:  
 — «Գիտե՛ս, զաւա՛կս, մեր Յիսուսը խաչեցին,  
 Բայց գարունի շուշաններուն հետ անի  
 Ծաղկեցաւ իբր անմահութեան անթառամ  
 Ծաղիկն էին, Մարդկութեան»:  
 — «... Ո՛հ, ո՛հ...  
 Շունչդ ա՛յդ անուշիկ ու մայրական,  
 Կը խաղաղէ փոթորիկը ծով-միտքիս.  
 Եւ հաւատքըդ աննըման,  
 Կ'ըլլայ Աստղը իմ կեանքիս:  
 Խընկէ՛, մայրի՛կ, միշտ խընկէ՛,  
 Պարզ խորհուրդիդ, սուրբ յուզումիդ բուրվաբո՛.  
 Խընկէ՛ նո՛յնպէս զըմուռսն հալուէն՝ Յարութեանն՝  
 Ո՛հ, շիրմաքուն Հայութեան,  
 Բու ետնվէիդ կըրակով:





## ՀԱՅ ԻՐԱԿԱՆՈՒԹԻՒՆ

---

Անգուլթ մարդ մը պարտեզն իջաւ ծաղկալի ,  
Կարծր ու կոպիտ սաքերուն տակ վանդալի ,  
Ճըզմեց մեռցուց ծաղիկները փափկադին .  
Հաւատքն ու յոյս քանդողն Հայուն է այսպէս :  
Բայց կ'արծակին բոյրեր անսնք ո՛ն , պէսպէս :

Վանդակի մ' մէջ կար մայրիկ մը սիրայուշ ,  
Նոյնպէս ձագեր փետուրներով աղուանոյշ ,  
Դահիճ մ' անխիղճ մայրը սիրող , ա՛ն , մարթեց .  
Հայուն տունն ալ քայքայողն է ճիշտ այսպէս :  
Բայց ձագուկներ կ'ըլլան մայրեր սոկեգէս :

Վե՛ն դարաւոր ծառ մը նրսկայ էր կանգնած ,  
Սըփռած բստուեր էր չուրջը լայն թափառ՝յած ,  
Կացին զարնէր այդ Հին Ծառին մարդ մը չար .  
Խորթ զաւակներ զարնեն Հայուն , ո՛ն , այսպէս :  
Բայց արմատէն ծըլին ծաղիկն ճիւղեր վէս :

Այս ջարդերն երբ փոթորկի մ'պէս վաղանցիկ ,  
 Կ'անցնին անդարձ . . . : Պայծառ ու ջինջ կապուածիկ ,  
 Կը պարզուի երկինք մ'անոյշ ցընծաբե՛ր :  
 Ապագան ալ ջախջախ Հայուն ճիշտ այսպէս ,  
 Պիտի բացուի արեւով մը սիրակէզ :



## ՊՈՒԷՏՆ ՈՒ ՇԵՐՈՍ

Փրթթինազարդ սարին սըրտին ,  
 Պըւէտն ՚իւզակն իր շինած էր .  
 Ուր իր հոգւոյն թըրթիռն յետին ,  
 Կը լըսէին իսկ խուլ ժայռեր :

Դեռ մէկ քանի խօլ ճաճանչներ ,  
 Հըսկայ սօսի մ' հետ խաղային :  
 Դեռ մէկ քանի , ճայնով կերկեր ,  
 Սեւ ծըզրիթներ կը ճըռռային :

Վառեց Պըւէտն ճըրագն իր ձէթ ,  
 Դըրաւ խուրձ մը բուրեան ծաղիկ ,  
 Տակ նըշոյլին անսեթեւեթ :  
 Ըսկսաւ գըրե՛լ լուռ խաղաղիկ :

Հո՛ն , հերոսն ալ կ'իջնէր չարչար ,  
 Փսթթինազարդ նո՛յն կատարէն .

Ազատութեան՝ ուր կը տենջար  
Տեսնել աստղը, յետ պայքարէն :

Արենակաթ սուրն իր պատեան ,  
Հըրացանն իր դըրաւ կուրծքին .  
Հիւզն պըւէտին մըտաւ անձայն :  
Ողջունուեցա՛ւ մըտերմագին :

Ճըրագն ազօա կը պըլպըլար ,  
Յարդ անկողին մը լսկ ցոյց տար :  
Պըւէտն՝ հերսն եղբայրաբար ,  
Հո՛ն կուշա կըշտի առին դադար :

— «Քեզ ի՛նչ յարգանք կ'ըլլամ տըւած ,  
Ո՛վ երկնասլացդ ազատ արծիւ ,  
Թո՛ղ որ կարդամ սա իմ քերթուած :  
Պըւէտն ասո՛վ տայ մեծ պատիւ :

Պահէ մը վերջ խոր ըզմայլման ,  
Թուզթը փրուած առջեւ լոյսին ,  
Հըզօր երգն իր «Խաղաղութեան» ,  
Կը կարդար ան յուզումնագին :

— «Խաղաղութեան չընծիւղեցաւ  
Դեւ ծաղիկը կոյս անթարչամ ,  
Սա մարդկութեան էութեամբ ցաւ  
Արիւն սուռք սըրտին վըրան :

«Պատմութիւնն իր արտասուացող . —  
Նըկար մը լսկ՝ եղբայրասպան :  
Այդ պատկերին պատառն է հող ,  
Զոր կը գըծեն ազգեր դաժան :

«Լացող աչքեր , նօթինն ր բիւր ,  
Եւ բիւր մայրն ր որդեկորոյս ,  
Եւ աստուածներ ալ կենսասփիւռ  
Խաղաղութեան մը՝ կը գոչեն՝ Յոյս . . . :

Տիեզերքն իր մեծ լըռութեամբ  
Խաղաղութիւն պատարագէ :  
Մարդկութեան ալ պայքարին ամբ  
Խաղաղութիւն պիտ՝ փայլակէ :

Թընդանօթնն ր պիտի գոռան ,  
Խաղաղութիւն ողջ մարդկութեան .  
Սիրտն եղած է սիրոյ խորան :  
Իտէա՛լ մը սա՛ , այլ իրական :

Մէկ Աստուած մը , և մէկ Երկիր ,  
Մէկ մարդկութիւն , Եղբայրութիւն ,  
Թո՛ղ լիութեամբ տիեզերքն իր ,  
Հընչէ յաւէրժ Խաղաղութիւն» :

Արծիւ-Հերոսն հոգեցունց՝ սուր —  
Մըտիկ կ'ընէր քերթըւածին ,  
Բուռ մը զայրոյթ սըրտին մէջ հուր՝  
Շարժեց չըրթունքն արեւածին :

— «Քանի՛ կ'ապրին բրնձապահաներ ,  
Իրենց ազգերին սուրեր կապած .  
Քանի՛ կիրքեր կեռան դէպ Վեր ,  
Թընդանօթին չի մարիր կայծ :

Աղատութիւնն են շրջթայած ,  
Բանտարկած են լոյսը հոգւոյն ,  
Կը զըլանան աղքատին հաց .  
Իհնչպէս ըլլայ խաղաղութիւնն» :

Տըժգոյն պըւէան աղօս լոյսին  
Տակ ճըրագին խխտ դեղնեցաւ . . . :  
Բըռնեց ձեռքը վէս հերոսին ,  
Հեզիկ մ'ըսաւ , սիրով մ'անբաւ :

— «Փոխան արեան մենք լո՛յս թափենք ,  
Փոխան մահուան , ո՛հ , սըփուե՛նք կեանք ,  
Զախջախելու տեղ դանգը նենգ ,  
Վեհ գաղափա՛ր մ'անոր տանք» :

Հերոսն էր լո՛ւս . . . խորհո՛ւրդ մը լոյս ,  
Կ'արփագօծէր դէմքն իր թուխգոյն :  
Սեղմեց կուրծքին՝ սիրան անոր կոյս ,  
Եւ մեկնեցաւ . . . հետն աստղերուն :



## Մ Ա Շ Է Ն Կ Ե Ա Ն Ք Ի

ԿԻԼԻԿԵԱՆ ԱՂԷՏԷՆ

Վերջացած էր , յաղթութեան տալով մեզի փառքն անգին  
Դիւցագնական կըռիւը մեր պանծալի Տէօրթ-եօլին :  
Վէրք մ'աննըչան ազգերիս վրայ արգելք մը չէր ինձ  
բընաւ .

Ըսի . — «Ո՛վ քաջ ընկերներ , այրըւած քաղաքն ի՛նչ  
եղաւ . . .

Պէտք է երթամ փըրկելու սիրելիներս անտէրունջ» :  
Ողջագուրօւմ , խոստումներ և համբոյրներ սիրաշունչ ,  
Ճամբայ դըրին թըչուառըս դէպ ի քաղաքն աւերակ :

Վերջի պահն էր գիշերուան , կար լուսին մը դեղնորակ .  
— Դէմքին պէս էր Հայ կոյսի մ'որուն ծնօտան արծաթէ՛  
էր ջախջախուած հարուածէ մ'ուրկէ լոկ մահ կը կաթէ :  
Քաղաքն աչքիս բամբելի մ'այրիացած էր նըման ,  
Զըգած շուրջն իր՝ պատըռտուն սընդուս հագուստն ոս-  
կեման :

Շո՞ղը լոտանին՝ եթէ ոչ մահուան դեղինն էր պատած .

Դիակներուն, քարերուն և շէնքերուն ամխամած :  
Հազիւ գըտայ արնակնիս . (բակին ջրհորն զայն ցոյց  
տար) :

Ածխացած չորս դիակներ... ո՛հ, հայր, մայր, քոյր ու  
կղբայր...

Իսկեր էին կող կողի... (ո՛վ չարութիւն մարդկային) :

Ո՛հ, վազեցի, փարեցայ, լացի սպառի սրբոագին,

Սանդուղներուն վրայ քարէ. — որոնք կէս մը դեռ  
կանգուն,

Սեւ սեւ փոշի կ'ըլլային, յոյսերուս պէս ազազուն :

Դարձայ դէպ ի ջրհորը, դէմքը լուսնին հոն տեսայ,

Մինչ գըլլահակ կ'ըզձայի ջուրերուն մէջն նեռակայ,

Մահուանըս հետ պըլլուիլ և կորսընիլ յախտեան.

Բայց սարսուռէ մ'հոգեպիլի նոր-խոց յուշքեր արթըն-  
ցան :

Լուսնին դէմքը յիշեցուց խօսեցեալս ինձ՝ լուսագէտ,

Ո՛հ, իմ հոգևոյս երա՛զը... զիս սիրտն յետ ծընողքէս :

Թերեւս սղջ է, պէ՛տք է, գէթ անոր համար ես ապրիմ :

Եւ ծըխաշունչ ու խանձող աւերներուն մէջ քաղքին,

Փընտրեցի՛ ես երկար... իր խընկաբոյր մարմինին

Եւ ոչ իսկ նեղքն ես գըտայ... արշալոյսը չի ծախած՝

Աղամանդէ աստղերուն տակ առտըւան մըթամած,

Սրտասուակաթ աչքերով ես երկնապիշ ուխտեցի,

Բարձունքներուն Տաւրոսեան, անտառներուն դըրացի

Ոգին ըլլալ ու երգել յիշել զինքը... մահն իմ մինչ

Բիրտ թեւերովի իր գըրկած՝ վէս գաղաթէ մ'մաքրաջինջ

Պիտի նեռէ դէպի վար և փըշըրէ մարմինն իմ... :

Եւ, թողուցի քաղաքը :

Հասայ վայրերն իմ ուխտին :

Մըտերմացայ դարաւոր կաղնիի մը երկնաբերձ,

Տաւրոսեան սէգ լեռներուն մէկ գաւակը հոգեմերձ :

Մըրբիկ ու շանթ անհամար անցեր էին գըլլուխէն,

Շատ հեղ մինչեւ արմատ զայն մոխրացուցեր, զարկեր են :

Բայց մըշտաբուլիս աղբիւրներն իր կեանքին չեն ցա-

մաքեր .

Ամէն դարնան կանընչեր, նոր նոր ծիլեր արձակեր,

Նորէն մեծցեր... Ու հիմա լուսինն առած ու ասպեր,

Բիւր վարսերուն քօղին տակ, մուցնել ջանայ իմ եղբր... :

Հայուն նըման էր անի, կամ հանգունակ անո՛ր Հայն :

Բայց մանիշակին էր նըման՝ հովանոյն տակ ծըլած այն

Հայուչին՝ որ իմ կեանքի գաւաթին պիտ' լեցնէր

Վարդգոյն գինին անուշիկ, երջանկութեան սիրաբեր :

Գիշերներըս ցաւատանջ՝ կ'անցնէի տակն իրեն :

Արշալոյսին խիտ կանուխ, դէպ ի Սիհուն ողբալէն

Կ'իջնայի լուս, աւազուտ եզերքները թափառուն,

Ալիքներէն պըղտըրած կ'աղերսէի Փըրկութիւն... :

Վերջի պահու մ'իշիկուան, ափունքներուն Սիհունի,

Տեսայ մէկը կիսաթաղ, տեսիլ մը ցունց, տըխրունի,

Աւազներով ծածկըւած՝ ցոլքերուն տակն արեւին,

Խիճերուն հետ գեալին՝ ձիւն-ծիծերն իր կը փայլէին :

Սարսուռէ մ'վերջ շանթընկեց, յուշիկ յուշիկ մօտեցայ :

Դէպ ի ափը երկնցած բազուկներէն մարմարեայ

Պինդ բըռնեցի, և յետոյ կուրծքը կուրծքիս զայն տարի

Խոտին վըրայ ծաղկազարդ... Ըզգեստն աղուոր՝ կա-

պարի

Բոց գունտերով ծակձրկուած՝ Հայ կուսիկ մ'էր գեղանի :

Ա՛հ, Սիհունի արնաներկ ջուրերը գոռ կատաղի .  
 Գանի կոյսեր, մանուկներ դէպ ի ծովն են գըլորած...  
 Անա՛ վրկան գոհերուն, ահա՛ գործը թուրքին ցած :  
 Բայց, լոյս մատեն մուցե՛ր են առնել անոր մատանին,  
 Իր մատանին... ս՛հ, անունս... խօսեցեալս իմ թըշուա-  
 ուին...

Անա գըտայ վերջապէս, երազներու մէջ՝ երկար  
 Կ'ըսէր. — «Մի՛ լար ինձ համար ես չեմ մեռած, կ'ապ-  
 ըլիմ յար...» :  
 Բայց ինք հիմայ անկենդան գըրկիս մէջն է, ս՛հ, այս  
 պէս...

Արթընցայ... վերն աստղերը կը մարէին Գիշերուան :  
 Քընացե՛ր եմ սիրոյ տաք արցունքներուն մէջ յորդան :  
 Մըթընչազին առտըւան առի լեռը խոյացի,  
 Հոն մըտերմիկ հովանւոյն տակ կազնիխ դըրացի  
 Խորան մարմինն գըրզանքով ես պահ տըլի սե հողին,  
 Յանցընելով ափ մը հունա մեխակներու իր կողին :  
 Յոյսովն անուշ՝ թէ օր մը պիտի ծաղկի անոնց պէս,  
 Դաշտերուն մէջ Նոր-Կեանքի մ'որուն հաւտար սըրտով  
 հեզ :

Ալ այն օրէն խընկարոյր ես ազօթքեր երգեցի՝  
 Եիրմին առջեւ ծընրաղիբ : Վըհատութեան ու կոծի  
 Ուրականը շանթակուռ չեկաւ քանդել յոյսերն իմ :  
 Եւ, երկնցի շիրմին քով նոր վըրէժ մը կենսածին :  
 Ո՛չ Տաւրոսեան սեւ ժայռեր, ո՛չ անդունդներ Սիհունի,  
 Եւ ո՛չ վիշտը մահաչունչ՝ չէ՛ չեն կըրնար Անհունի  
 Իմ խոյանքներս ջախջախել և փըշըրել հաւատքն իմ :

Երազներու մէջ լուսեղ, իմ փարելի Չարուհին,  
 Կը մըրմընջէր միշտ ինձի. — «Գընա՛, գընա՛, ա՛լ մի լար,  
 Չարիք մ'անլուր կը սպաննէ մեր սիրելի ազգն արդար :  
 Տե՛ս բիւր սրբեր քեզ համար հո՛ն կը սպասեն անհամբեր,  
 Ծարաւիննր Նոր-Կեանքի, և մահամբձ հողիներ...» :  
 Մինչ ծաղիկներ նորածիլ, արշալոյսներ լուսազարդ,  
 Վերծընունդի մ'հըրաւէր հոգւոյս տային որ գըւարթ՝  
 Վըրէժ գոռար — սո՛ւրբ վըրէժ — վըրէժ մը նոր, երկ-  
 նառաք :

Վըրէժն է ան գերագոյն. վըրէժն է ան մի՛ միակ :  
 — Պիտի երթամ՝ լո՛յս ըլլալ, իրենք խաւար ու գընտան,  
 Ես վե՛հ բարձունք պիտ' ըլլամ, ձոր ըլլալին պիտ' բզգան :  
 Կեանք պիտ' չընչեմ Հայութեան, իսկ իրենք ալ աննըման  
 Սեւ դահիճներ ըլլալին պիտի տեսնեն՝ մահանան... :  
 Դարձայ ըսի. — «Ո՛վ հողիս, հըրաժեշտի համբոյրն իմ

Անա՛ կու տամ դեռ եւս թաց հողակոյտիդ սեւ բըլբին :  
 Պիտի մեկնի՛մ : Մ'եր կեանքի պատմութիւնը ահաւոր,  
 Յանձնեցի ես սա՛ հովին որ ըլւրի մ'պէս ցաւով խոր,  
 Պիտի գայ միշտ այցելու քու շիրմին լուռ լըքուն,  
 Երազներս ալ բերելով թեւերովն իր՝ հետն այգուն :  
 Պիտի թըռչի՛ր և յետոյ Հայկազարմիկ ողջերուն  
 Դեռ չի մեռած՝ կանչելու Մահէն կեանքի մ'ակաղձուն :  
 Անա՛ կ'երթամ, Չարուհի՛ս, մահուան մահը երգելու,  
 Հայութիւնն ալ փըրկելու իր անկումէն ահարկու» :  
 Յետոյ ուրախ ես իջայ սէգ Տաւրոսեան գազաթէն,  
 Անմահութիւն ու Աստուած, Հաւատք ու Սէր երգելէն :





## ՏԱՌԱՊԱՆՔ ԵՒ ՍԷՐ

Մարդը ծընաւ մարմինը մերկ, աչքն արցունք,  
 ձիւն անոր սուր՝ քաղցին ձայնն էր մութ խորունկ :  
 Յաւով ծընաւ երկունքի մէջ հոգեաւ,  
 Տառապանքի աշխարհին մէջ մայրն անոր :  
 Սէր-Ուկէան սիրտը մօրկան՝ ձիւնաւաւ  
 Զոյգ մ'ըստինքով՝ նօթի մանուկն արա՛սուաթոր .  
 Կուրծքին սեղմած ժրպտեցուց խօ՛ղ քաղցրազին :  
 Սէրը յաղթեց Տառապանքին առաջին :

Իր մօր շիրմէն — դեռ նոր բացուած — գլխիկոր  
 Դարձը կ'ընէր պատանի մը վըշտով խոր :  
 Մսւթ էր աշխարհ, մսւթ իր հոգւոյն պէս քայքայ .  
 Սիրան էր դատարկ, ինչպէս տունը իր մօրմէն .  
 Կեանքն ու անոր խրրախճանքն էր մի մեծ վայ :  
 Դէմք մը ցոլաց աստղի մը պէս լուսեղէն,  
 Կոյս մը սիրեց և զա՛յն ըրաւ երջանիկ :  
 Սէրը յաղթեց Տառապանքին արրամալիք :

Որդին միակ՝ խինդն էր ու կեանքն անսահման,  
 Կաթովը իր կոյս, արցունքով՝ լոյս, որբիկն ան  
 էր մեծցուցած : Կըտրիճ մ'անա՛ հըրաչեայ,  
 Միշտ կը դառնար ու մըշտ կ'երգէր, ի՛նչ բերկրանք... :  
 Յանկա՛րժ, եղունկ, զարկաւ անոր մահն անխնայ :  
 Վիշտի արձան մայրն, ո՛հ, գըտաւ ըսփոփանք...  
 Սիրեց Աստուածն որ զայն տըլաւ ու... առա՛ւ :  
 Սէրը յաղթեց Տառապանքին կենազրաւ :

Անկողնին մէջ — փրտած գերան — դալկազէմ,  
 Բիւր ցաւերով կը արււայտէր մարդ մ'ախտէն :  
 Սէր ու գորով և ժրպիտներ, խնամք շատ,  
 Եւ ծաղիկներ բուրումնաւէտ շուրջն անոր .  
 Թախիծներու խորհրդարան սիրան՝ անհատ  
 Յոյս ու խընծիկ կը սըփռէին կեանքի մ'նոր :  
 Այսպէս մոռցաւ շիրմին իսկ մօտ ցաւն իր սուր :  
 Սէրը յաղթեց Տառապանքին բոցանուր :

Անրեներուն խուլ ձայներուն՝ մինչ իրկուն  
 Փռչիին մէջ հեղձուկ՝ բանուորն, ո՛հ, նըկուն,  
 — Համամարդու տառապանքին մէկ զոհն ինք —  
 Յաղթ անիւ մը անթիւ անգամ կը դարձներ .  
 Կը շինէր ցեխ՝ դէմքին փոշին՝ իր ջըրտինք :  
 Բայց, ա՛հ, մոռցաւ այս ամէնն ու իր վէրքեր,  
 Իրիկունն երբ որդին ժրպտով գիրկն ինկաւ :  
 Սէրը յաղթեց Տառապանքին այս անբաւ :

Կէս-վիրաւոր՝ ֆէտայի մը ինկած էր,  
 Շուրջը բոցէ կարկուտ տեղար մահաբեր :


Եթէ մեռնէր սիրականն իր ի՞նչ պիտ' ՚լլար... :  
Բայց «Հայրենիք» երեք անգամ մըրմընջեց,  
«Քե՛ղ կը սիրեմ, 'ւ անա՛ արիւնս սըրավար  
Քեզի՛ համար կը հոսի դուրս իմ սըրտէս :  
Գիրկը մահուան՝ ժըպեցցա՛ւ աչքն աստղերուն... :  
Սէրը յաղթեց Տառապանքին այս անհուն :

Մարդկութիւնը բիւր աստերով ու ցաւով  
— Տառապանքի անեղ բանակ մը խըռով . —  
Դէպ կորուստի և ջընջումի վերջնական  
Կրանիդ ժայռին, — որ կը կախուի դեւ-մահուան  
Անդունդին մէջ, — պիտի ջախուէր անպայման...  
Խաչն Յիսուսին, կենսարուղին իր գերեզման,  
Փըրկեց մարդը, մարդն Յաւէրժին սիրելին :  
Սէրը յաղթեց Տառապանքին շիրմային :

Սէրը յաղթեց Տառապանքին շիրմային :  
Ո՛չ թընդանօթ, կարմիր դըրօշ արնագին .  
Երջանկութեան մաքուր շողը մեզ բերին :  
Ոչ իսկ ոսկին՝ տաս աղքատին, բանուորին,  
(Մընան անբուժ դեռ բիւր խոցեր հոգեղէն)  
Վայլեն անոնք կեանքն երջանիկ, բաղձալի՛ն... :  
Սէ՛րը միայն, Սէրն Անմահին, Մարդկութեան,  
Հազարամեակն երազուած այս Երկրին տան :



ՀՐԱՏԱՐԱԿԵԼԻ ԵՐԿԱՍԻՐՈՒԹԻՒՆՆԵՐ




ԶԱՐԹՕՆՔԻ ՄՐՄՈՒՆՋՆԵՐ  
ՅԱՂԹՈՒԹԵԱՆ ԵՐԳԵՐ  
ՀԱՅԱՆՈՒԱԳ

ԳԻՆ 5 ՂՐՈՒՇ

654-660

8-38

2013





NL1605617

ՀՀ Ազգային գրադարան



NL1605615

ՀՀ Ազգային գրադարան



NL1605614

ՀՀ Ազգային գրադարան



NL1605619

ՀՀ Ազգային գրադարան



NL1605613

ՀՀ Ազգային գրադարան



NL1605618

ՀՀ Ազգային գրադարան



NL1605612

